

吉原呼我
點注標記


日本

北條氏
田氏

十一

津田文庫
文庫 1
1794
5





つた文庫

○正成

綱成

本福壽氏氏綱賜北條氏及備肆

孫氏勝

岩留城主

辨千代

氏重

實保科正直子終為懸川城主無嗣國除

日本外史卷十

足利氏後記

後北條氏

定鼎奠皇居

外史氏曰制馭天下莫善於形勢苟失形勢不致分裂者鮮矣昔在文武因山海形便以分七道而王畿居中桓武定鼎平安四方環嚮益亦盛矣然王政之衰方隅稍有竊據不可制者雖或速就討滅而天下之勢漸趨分裂以馴致鎌倉之霸自是以還關東形勢常雄天下而京畿莫之能勝余嘗歷遊東西考其山河所起伏以為我邦地脉自東北而來漸西漸小譬之人身陸奧出羽其首也甲斐信濃其脊也關東八州及東海諸國其

日本外史

卷之十

後北條氏

禍起其腹心謂新田足利之叛也

彼謂鎌倉此謂京師

江評公相備人也
內正謂寺也
有隙

胸腹而京畿其腰臀也。至山陽南海以西則股耳脛耳。故居其腰臀可以制其股脛，不可以制其腹脊。且平安四戰之地，天下有事必先被其害。不如鎌倉之獨以一面西制中原也。至於元弘之時，能一舉取北條氏者，由海內怨畔禍起其腹心，非能以西勝東也。方其盛時，以鎌倉為根本而置府於京師，筑紫其制天下如臂使指，而足利氏及其所為舍彼居此，謬矣。然亦有不得已也。彼慮於南朝不能遠居鎌倉，故鎮以子弟藩屏室町，而適啟爭端。又因其內訌覆之，而室町遂自是亂矣。是其不能制馭四方以襲王室之禍者，非失形勢故哉。及其季世七道豪傑更相吞噬，至元龜天正之間，海內裂為八

蜀志諸葛亮傳有龍驤虎視也。括四海之語，驤騰也。角立割據也。

九其最大者，曰武田氏曰北條氏曰足利氏曰毛利氏曰。利氏在利氏起於安藝而并山陽山陰三州，疆土尤廣。其次為北條氏，北條氏在伊豆據之，遂并關東八州。武田氏起於甲斐，并信濃，飛彈駿河，上杉氏起於越後，并越中，能登加賀，以及莊內會津，皆爭務耕戰，帶甲數萬，積粟如山，龍驤虎視，角立東西，莫不有包舉宇內之心。夫北條氏據天下之胸腹而不能一出其兵以窺中原者，武田上杉據其脊以橫塞其衝也。而二氏勢力相敵，相持不決，又不暇圖其西，毛利氏疆土雖廣，以其股脛向其腰臀，固不能抗禦中原也。織田氏介於四氏之中，先其西而後其東，避強擊弱，舍險取夷，是以用

織田氏居近江美濃豐臣氏居山城攝津

力少而成功速豐臣氏亦因其遺謀承得以致合一焉
織田豐臣之於形勢如有察焉而至其所居與足利氏
未嘗有大異同也其所以既合又裂不能久馭天下者
亦出於此邪夫織田豐臣代足利氏者也而其所有土
地山河不能大過四氏或大過之而不能及其久也要
之此四氏者乘時衰亂各奮智勇以雄據一方一方之
民倚以享一日之安不可與他小國庸主徒糜爛其民
而莫所成者同日語矣則其於天下非無功德又不得
月以足利氏故臣也若曰四氏所據孰非王土則時勢
之變遷至於此非一日之故非所以咎於四氏也至其
經營四方謀臣猛將之迹有足紀者吾故列敘之詳其

應仁元年

上世 李衡 盛光 賴俊 俊繼 貞行 貞繼 貞行

常陸外維衛 越前守正度 右京亮李衡 伊勢伊勢 掌世納金穀也 貞國貞親皆屬 守 橫井掃部助 任處謂備中 應仁元年 大納言正二位義 左大臣從一位義 政

盛衰興壞之由使有國家者有所鑑焉而於天下形勢
分合之際又足以覽
後北條氏舊稱伊勢氏伊勢氏出於平維衛維衛生正
度正度生李衡及正衡正衡實太政大臣清盛之曾祖
李衡任上總介子孫世居伊勢其十一世孫貞行除伊
勢守仕足利義滿為奏者掌出納子貞國孫貞親相繼
任其職甚有威權貞親弟貞藤除備中守妻尾張人橫井
某女生男于任處稱新九郎及長命名曰長氏為足利
義親近士應仁中從奔伊勢及義親還京師長氏獨留
不從當是時足利氏權臣山名氏細川氏各樹私黨
于京師將軍義政不能制也長氏聰明有大志陰散財

應仁元年

日本外史

卷之十

長氏有矢志

永享十年持氏自殺於永安寺

因一作相

後土御門天皇

文明八年
荒木兵衛後平衛尉

依今川氏

義忠氏親並上總

民部大輔政憲

修理大夫定正
左兵衛督政知

足利政知
伊豆形起居

結幕際。一日謂衆曰。天下之事。可知已。成功名。取富貴。舍今而何。願關東八州地勢高隆。士馬精強。自古稱用武之地。而永身以來。無復定主。苟得割據于此。天下可圖也。吾欲與諸君偕東。因機乘變。謀有所樹。立諸君豈有意乎。衆奮從之。後土御門天皇文明八年。長氏與荒木兵庫多目權平山中。中四郎荒川又四郎大導寺太郎。有竹兵衛六人。仗劍東行。終至駿河。依今川義忠。義忠其姊夫也。會義忠卒。子氏親猶幼。將士分離。各自爭鬪。長氏姊抱氏親。逃于山中。上杉政憲上杉定正。以足利政知之令。發兵定駿河。長氏迎而說之曰。國內將士無叛者。特以主如國疑。故樹黨耳。今二公辱臨於此。欲

無似猶不肯也

八幡山在駿河

左大臣從一位義教

左兵衛督持氏

永享十

兩上杉
成氏左馬頭後左兵衛督

古河公方

堀越御所
長享二年

熱莊標記

定今川氏。漢雖無似。願宣公意。以戢將士。有不聽者。二公幸為討之。政憲等曰。諾。長氏會將士誓焉。然後入山。奉氏親母子歸入。有第政知兵乃引去。將士皆以長氏為功。使居八幡山城。政知者義政弟也。初義政父義教為將軍。其族持氏世管領關東。永享中。持氏為其權臣。上杉氏所滅。蓋義教之志也。上杉氏有兩宗。曰山内曰扇谷。兩宗請京師奉政知為主。然關東將士思持氏不肯奉命。乃索持氏孤子成氏。立之。成氏既長。討上杉氏不克。走保古河。號古河公方。山内族據上野。平井扇谷族據相模。大場皆陽尊。政知戴以為君。置之伊豆。伊豆山内氏管國也。給政知以田。居於堀越。稱堀越御所。長

長享

日本外史

卷之六

高國寺亦在駿河
陰窺伊豆

貞二年長氏徙居高國寺城陰窺伊豆而未得間焉乃
修政令輕賦稅人出其所蓄假貸遠近收以薄息遠近
賴之每朔望相率來謁謁數有或來其債故士氏稍稍
未居城下漸成聚落長氏以荒木多日等為之首領立
七隊而服事政知有二子其長子曰茶茶前妻出
也為繼母所讒囚之數年茶茶憤怨伺守者懈出戕其
繼母遂聚其黨弒政知殺其大臣外山秋山等而自立
長氏聞之乃佯稱有疾浴伊豆溫泉以訶之曰伊豆可
取也歸聚眾議眾咸曰吾輩願新九郎君為一國主久
矣敢不致力延德三年四月長氏勦七隊并今川氏援
兵凡五百人夜濟黃瀬川且抵堀越氏縱火攻之賊走

延德三年
誅賊茶茶

成就院在伊豆
負擔任也皆自負

自殺于成就院伊豆人民畏其兵威負擔奔竄長氏號
令嚴明秋毫不犯榜于路曰吾所以來者誅賊子而已
非有所暴掠其子安乃堵以俟我令敢逃者蹈其稼火
其家時大疫疫者不能奔往往偃卧十家長氏與以醫
藥撫循之民更相告言多來歸者其豪族佐藤某先眾
屬長氏長氏授以大見鄉地頭職復其先邑載印信焉
關戶某者據深根城以抗長氏長氏移兵攻殺之長氏
恩威大行於國內國內將士舊屬上杉氏者聞之無不
率歸長氏長氏以二十日略伊豆以堀越氏邑自奉其
餘無所取乃會父老豪傑諭之曰吾聞人主視民猶子
民視人主猶父是古之道也及世之流季武人貪殘剝

有白擔
相安日安擔

大見鄉深根城並
在伊豆

諭父老豪傑

堯太子
堯薄也人情
輕薄也季
末世也

照在樂記

卷之十

五

晉相也官也
羈旅客喜也

司牧
司國牧氏義
而云領王

北條高時族稱
并掃部助

月稱北條氏削髮

亂江為虎

民以自逞而至胥而困愛吾甚憫之吾以羈旅之人來
司牧是邦吾為汝為君汝為吾為民生相為君民是豈
偶然哉吾獨願我民之富足也自今著令減租稅五分
之一除諸雜課諸將吏違令虐民者聽其民來訴眾皆
悅服爭欲為之用長氏既主伊豆居並山城長氏外家
橫井氏北條氏所屬也至是並山有北條氏者其嗣絕
乃養長氏以女妻之長氏又為長子氏綱娶其孫女以
為北條伊勢同出於平姓遂自稱北條氏用三鱗徽號
削髮號早雲日計復北條氏故業以成其宿志初十三
島神祠夢有大杉一株一鼠齧其根仆之化為虎既覺
召卜人占之卜人曰公生歲次子子為鼠神是公克兩

民部大輔顯定

可以成吾事矣

明應

明應二年

大森式部大輔

小田原在相模

三年

高見原荒川華
武藏

五郎朝良
信濃守藤賴

四年

猶殺也

上杉之兆也早雲心竊喜焉當是時上杉定正上杉顯
定更相怨卻兵結不解早雲聞之曰可以成吾事矣明
應二年使使定正請助攻顯定定正喜許之其部將大
森實賴為小田原城主謂定正曰早雲梟雄也無故親
我其意不測然彼以好來亦不可拒宜以禮答焉而重
為之備定正略不加意三年十月早雲與定正偕出兵
高見原與顯定夾荒川而陣定正進而亂流墮馬死其
子朝良走歸保河越早雲亦歸並山時實賴已死子藤
賴嗣猶弱早雲欲取其城而難箱根之險未發也四年
九月早雲使人言藤賴曰吾獵並山其獸逃箱根願公
以箱根假我我得縱獮取焉藤賴許之早雲率兵百餘

明應二年

卷之六

六

永正
位主御門常陸

取田原
永正元年

立河原亦在武藏

二年

史記春申君傳

子說秦昭王曰天

下莫強于秦楚今

聞大王欲伐秦此

猶兩虎相與鬪而

驚大受其弊

長尾六郎為事

掃部助實總

早雲勢益張

松田太郎在備

荒次即義同後

與守入道道子

上杉修理高敏

人被獵衣裳踰箱根先縱牛數頭鼓螺隨之憑高馳下

直入城內藤賴惶駭不知所為出奔三浦早雲遂取小

田原遂取大場永正元年九月上杉顯定來攻朝良朝

良求援于早雲早雲與今川貞親往援之戰于立河原

二年朝良遣使言顯定曰吾聞兩虎相鬪一狗乘隙我

族構兵數世國內費弊而早雲窺其後荐食關東吾與

公莫巧為兩虎爭顯定然之乃與朝良和已而顯定與

長尾氏戰信濃敗死于憲總嗣定在顯定前後死也而

早雲勢益張相摸人松田賴重等皆來降獨三浦義同

不服焉義同者上杉高敏子也為三浦時高所養時高

後生子欲殺義同義同奔依大森氏假其兵襲時高弒

三浦時高

義同弒

彈平高義意

九年

新井岡崎住吉秋

屋佐原山並相

損

之據新井城略取傍近早雲欲討滅之外示柔弱不與

爭也義同立其子義意而自居于岡崎城九年早雲遠

發兵襲岡崎按之義同徙居住吉與早雲戰連年早雲

終大破之手鎌倉追擊至秋屋之隘義同據險止戰早

雲乃引兵踰佐原山出其背義同走入新井城早雲隨

而攻之城險食多久而不拔乃築長圍圍之數年是時

上杉朝良死其子朝興在江戶聞新井急將兵來援早

雲兵七千人乃留其二千圍城而自以五千邀擊于甘

繩破走之城內益困大森佐保田等說義同曰宜奔上

總依丸谷氏丸谷氏義意妻父也義同曰持氏之死我

父實為之而吾亦有弑父之罪積惡之報焉往而逃

我父實為之

持氏殺室町

時三浦時高

歸會雷守處

背持氏遂使

新井城

日本外史

卷之十

十五年
誅義同父子

早雲卒

子氏綱立

左京大夫氏綱

岸傑魁岸雄傑也

岸者有海濱意

岸形也

遺言法訓

癰疽封毒
癰疽惡創也癰
而大疽深而惡

早雲謀知之十五年七月鼓衆疾攻城陷誅義同父子
盡略相摸十六年早雲病卒于龜山年八十八子氏綱
立氏綱容貌岸傑善用兵早雲之興業氏綱居多早
雲臨終遺言氏綱等曰吾欲滅杉氏并關東八州而
未成其志子孫繼任其事毋敢或懈今我邑土不多散
吾所積財物養四方之士足以支二世矣三世之後莫
復所事於財也苟兩上杉而相讐隙吾子孫可以坐大
矣吾視上杉氏其家法日衰亡滅非遠雖然彼大族也
不可輒取曠日彌久以俟其弊譬之癰疽其毒之封必
三十許年乃成及其成則潰裂而厚救也且立法訓二
十一條以頒將士氏綱守父遺訓益修攻戰具平定相

大永四年

大永
從上御門帝号

與高基婚

左兵衛督高基

左馬頭晴氏後左

兵衛督

天文六年

五郎朝定

天文
從上御門帝号

深大寺松山並在

武藏

難波田彈正

摸進與上杉朝興爭武藏大永四年氏綱遂拔江戶城
朝興走據河越氏綱數攻之未能下乃遣使平井約夾
攻河越憲總按兵兩無所援而朝興數為氏綱所敗氏
綱又與足利高基婚高基者成氏孫也欲藉伊勢氏力
報上杉氏則為其子晴氏娶氏綱女氏綱於是暴上杉
氏累世不臣之罪以諭關東將士天文六年四月朝興
卒遺言子朝定益圖相摸卒而未三月朝定修深大寺
城以挑氏綱氏綱將兵直趨河越去城五十餘町而陣
朝定返兵自救時七月十五月光滿野兩軍交縱氏
綱終大破朝定取河越朝定走松山松山城主難波田
某迎而內之稍收敗軍出陣城外氏綱又擊大破之是

日本外史

卷之十

平岩藏人

上杉左近大夫朝

成

山岡豐前守

氏綱密記二人鎧馬

山角信濃守

字侍美平次

天野左馬允

慨然感歎之貌

役也。相摸人平岩重吉。虜朝定叔父朝成。氏綱隊將山岡某來奪朝成。效之麾下。重吉後至。爭功不決。氏綱乃密記二人鎧馬而虜朝成于山角某。因于河越。山角善視之時。置酒款語。嘗從容談鎌倉舊事。山角曰。僕聞之。故老。右大將之東征也。陸與勇將由利八郎。為字佐美實政所虜。而天野則景爭之。右大將令握原景時。畠山重忠更質之八郎。八郎前歿。而後對以重忠。有禮也。勇士之不可犯。以非禮也。如此朝成聞之。慨然。山角曰。談偶被觸犯。幸勿為罪。朝成曰。噫。僕猶八郎也。嚮者之役。吾盡亡士卒。單騎走黑甲赤馬者。追呼我。我回響而鬪。皆墜馬。吾搏伏之。將拔刀其人奮起居。我上而數人繼

嚴事得實也

右兵衛佐義明里見共重頭

代神行罰

七年

鴻臺在下終

九年

至吾終為所虜。山角以告氏綱。氏綱曰。黑甲赤馬者。重吉也。乃賞重吉。氏綱賞罰明。嚴常類於此。氏綱威聲益布。遠近武藏下總諸城。往往降附。獨足利高基弟義明在下總御弓。與氏綱爭強。義明初與高基相惡。依里見。義弘略其傍地。兵力稍張。高基害之。請氏綱圖之。先是。義明義弘以兵艦數百艘。抵鎌倉。毀鶴岡。抄掠寶物。氏綱曰。吾將代神行罰也。將兵赴擊。卻之。七年再發兵。攻御弓。義弘舉安房上總來救。義明十月。氏綱與義明義弘戰于鴻臺。大破之。走義弘。獲義明。斬首二千餘級。九年再造鶴岡。關東七民望。氏綱風歸者。日衆。畿內西國商賈亦往往避亂來。寓小田原。且益殷實。

大峯任大和

關東高統守伊勢

氏綱

左京大夫氏康

元

武田左京大夫

憲政野上原

菅野大膳

上原兵衛助

長尾景春入道

本間近江

井俣左所

聲氣與上國相通東國道士歲詣大峯者過界浦見鳥
銃于市持歸獻之氏綱關東之有鳥銃自伊勢氏始
益各致銃一及根來寺僧善銃者以助其威十年氏綱
病卒年五十七嫡子氏康年甫十六當是時上杉朝
定勢力削威獨上杉憲政雄長東北憲政憲總孫也今
川氏親子義元與甲斐國主武田信虎善通好於憲政
憲政驕惰嬖臣菅野信方上原兵衛專其政政多偏私
憲政獨助遊宴管舞妓數千人國內成風不復問武事
常微伊勢氏曰彼小家耳何能為老臣長尾意玄獨以
為患先是本間某井俣某以卒長有戰功憲政之嗣
也令管內禁射鹿菅野上原犯禁吏不敢告本間井俣

成尺
一國防其尺
儀云

意玄遣間伺察

多目周防守

山内公謂憲政也

邑其傍相雜射獵乃為人所告失邑屏居意玄乃召之
授計遣伴仕氏康以伺察之上人赴本間原因多目氏
請曰山内公疏忠近倭臣等獲罪至此縱令得免不願
仕也願得仕君公多目頗疑之且收克行伍居歲餘二
人乃亡歸平井其狀告意玄曰臣等熟視氏康為人沈
毅不測剛柔兼濟時而讀書時而自用刀槍能等禮節
威重自持而錄功不略下賤其用士無老無少皆適其
器其子弟雖非嫡嗣皆給俸克用有功則進之故其下
畏而愛之人人自奮願為效死而上杉氏將士皆陰通
款其不通者九人而已早雲遺言兩上杉之亡在我三
世後其相隙則吾家之慶也意玄以一人所言告憲政

面上杉之亡在我三
世後

正德

日本外史

卷之

早雲伊勢弓兒

諸老謂意事等

瞿瞿然恐懼貌
間諜間行以伺敵
者謂本間井保等
比猶親昵也
糞粉猶破碎也糞
濟也與諸味相濟
成者凡物體之如
屑皆為粉
扇谷謂朝定也

因與朝定和令國內繁奢華講武備錄將士子弟乃復
二人邑菅野上原嫉之與其族黨謀上書於憲政曰早
雲伊勢弓兒也倚今川氏之力以攘伊豆小國賤人之
裔何足為慮而我諸老過畏怖之甚可笑也天下右族
西有大內東有山內山內公號令遠及陸奧出羽麾下
將帥富三倍小田原者可得五六人而瞿瞿然弓兒子
孫是怖遣間諜訶消息獨不顧隣近之嗤乎本間井保
背旨獲罪而遽復用之世謂上杉氏無人也臣聞氏康
喜歌詠比頑童不知武事其將堪事者獨根來法師耳
其下常相恐曰管領命駕矣北條氏立糞粉矣關東將
士馴服我公威德非一月何必借人力為與扇谷和所

管領命駕
十三年
長窪在駿河
河越之役

損甚多君母聽焉憲政大喜曰意玄誑我遊嬉如初將
士通歎氏康者為二人所告則大懼賂菅野上原以求
解免菅野上原說憲政斥二人從而毒殺之又約諸家
臣賂建議曰各族之嗣弱者宜各分邑於其家宰則戴
恩者眾矣憲政聽之又舉高野僧善弓者祿之曰何遽
下根來法師也憲政歲入漸減其兵漸弱而欲親往擊
滅氏康既命駕而旋止者再三東人自是稱猶豫者曰
管領命駕也十三年今川氏親使使與憲政約發兵臨
伊勢氏境上圍長窪城氏康親將且援之會使者至自
河越曰兩上杉氏連和合兵將來圍焉氏康還赴河越
不見敵乃聚諸將議曰河越當兩上杉之衝是必爭之

東洋傳記

左衛門大夫綱成

黃八幡

云之十四年

難波田等說晴氏
難波田彈正
小野因幡守

地也。以一勇將守焉。吾可以致敵而大克之。衆推北條綱成。綱成本福島氏世。爲今川氏將守。遠江土方城。父正成爲武田氏所殺。綱成猶幼。出奔相摸。氏綱愛之。賜北條氏及其偏諱。常爲軍鋒。其旗黃色。書八幡二字。爲號。其戰也。每馳突敵陣。連呼勝矣。所嚮無不勝。當是時。黃八幡之名聞八州。於是氏康授之三千騎。令守河越。而還。長窪圍亦解。十四年。兩上杉氏大舉來攻。曰。此行必剪滅小田原。至河越圍城。數重。意期必取綱成固守不下。上杉氏使使古河請晴氏來助。氏康又以爲請晴氏欲其兩解。依違答之。上杉氏臣難波田某小野某往說晴氏曰。公以北條可親乎。曰。然。伊豆相摸非公所嘗

響背嚮上杉
條也
席卷速掩取也

讓與詞同

願乎。曰。然。曰。早雲氏綱擅興甲兵。掠取伊豆相摸。遂及武藏下總邊傍。使公困蹙至此。其志不至。盡取關東。已爲公方。則不已也。彼今日亡上杉。明日必及古河。今之尊公者。乃挾以營其私焉耳。且北條之親於君也。新也。上杉之仕於君也。舊也。去舊就新。君何惑焉。今河越城當陷不陷。所患關東將士觀望兩端。其心不一耳。君苟進大柵。辱臨軍陣。則衆知所嚮背。戮力決前。必舉河越。河越舉。則乘勢席卷。拔小田原。滅北條氏。復君於鎌倉。而駢首仕之。如往昔矣。願公熟計之。晴氏曰。善。乃盡其士衆。至河越。上杉氏大喜。號令諸將。攻擊越歲四絕。其讓道。氏康聞之。曰。吾必起援。獨恐城兵之不俟我。而決

點生標記

日本外史

卷之十一

十一

辨千代

死也。誰能往告我。計者緝成弟辨千代。年甫十八。從在氏康左右。進請曰。此事至要。臣請往焉。即為敵所捕。携掠百端。至死無言矣。氏康乃謂之曰。往語乃兄。善為吾守。吾克兩上杉。不出數月矣。女母遽出決死也。辨千代乃往。著上杉氏號。單騎入城。當是時。氏康兵四守疆上。諸城在者。裁八千餘人。乃自將赴援。憲政朝定。并晴氏兵。凡八萬騎。氏康計驕而襲之也。佯請和解。憲政等不聽。氏康出至入間河南。上杉氏兵來迎。氏康不戰而走。入小田原。問謀者曰。敵中云何。對曰。敵皆笑曰。豎子走矣。居五六日。又出至河南。敵來又走。又問謀者曰。敵曰。豎子不能復出。即出走耳。莫復顧也。氏康曰。可矣。

氏康示弱

親赴將士

所謂劉將軍見敵怯見大敵勇者

白布尚鏡

勿取其首欲不移時費力也

十五年
九燈燭閣
大道寺駿河守

夜勒兵親誓之曰。吾聞戰道。眾不必勝。寡不必敗。顧士心和否。如何而已。古曰。怯於小敵。而勇於大敵。吾數與上杉氏戰。以我一人當敵十人。以寡敵眾。何必始於今日哉。勝敗之決。在此一舉。汝將士。其一心協力。唯吾所嚮。是視令其兵皆尚白布於鎧上。約之曰。遇不白者。輒斫。勿取其首。令畢。乃引兵渡河。夜半直衝上杉氏軍。軍大驚擾亂。我兵縱橫奮擊。莫不一當百。殺傷二萬餘人。虜朝定。走晴氏。憲政八州豪傑。即夜降。氏康者九十餘。姓。時十五年四月二十日也。是夜難波田小野皆死。本間某單騎止戰。本間軀幹。魁偉累九燈。于竿。以為背旗。曰。吾以燭閣主之關也。與我將大導寺某。鬪授之九燈。

綱成呼勝

氏康威振關東

二十年

彈正大弼輝虎
藤田右衛門佐
小幡三河守
成田左衛門尉
神尾次郎左衛門
兩上杉亡

曰。吾母復用此也。子用為標好仕。北條公乃死。大導寺自是以九燈為記。懺云。翌日。上杉氏麾下諸將聞氏康兵寡。則大悔憤。欲乘其疲再戰。返至河越。則氏康已入松山城矣。諸將聚議不決。綱成自城內瞰之。閤門突出。身先士卒。呼曰。勝躬。敵軍相驚。曰。黃八幡也。即敗走。綱成往松山。見氏康賀戰捷。氏康慰勞之。論功行賞。撫納降附。威振關東。關東諸國皆爭通好焉。於是憲政獨有上野。龍菅野上原不衰。將士益離心。二十年。氏康率八州兵往擊憲政。七月攻平井城。拔之。憲政出奔。越後依長尾輝虎。其老臣藤田小幡三川成田等六人。以憲政子龍釋來降。氏康命神尾某誅龍釋。燒夷平井城。兩上

移書讓晴氏

先公高基也。為晴氏娶氏綱女。見上文。御弓氏謂晴氏季父義明亦見上文。

天祿

二十三年
波多野在相摸
關宿在下総

弘治元年

杉氏於是皆亡。而東國盡歸於伊勢。氏獨足利晴氏率其餘黨。不與氏康通。氏康乃移書讓之。曰。臣父氏綱與先公結婚。姻戚莫敢負心。以御弓氏之強武。氏綱啣密旨。不日滅之。遠近稱其勲勞。而未幾。何將見誅。其子孫。臣未知其說。河越之役。憲政促君之親臨也。臣乃白曰。不敢請援。請兩無所援。君已聽之矣。而又惑於讒臣。翻援憲政。臣又白曰。苟宥城兵死。則獻城而退。君又聽之。而攻擊不已。往事如此。其曲其直。天將監之。氏康不復能戴君矣。二十三年十月。將兵攻陷古河城。執晴氏。放之。波多野已而釋之。老於關宿。立其子義氏。居于鎌倉。葛西谷弘治元年。氏康使使入秦京師。曰。晴氏

弘治

孝請立義氏

太田三樂齋美濃守
詭相呼誘也

將士多送款輝虎

梶原備前守
富永三郎左衛門

永祿

永祿二年

守亂不能統關東將士臣謹與諸將士議立其子義氏代之遂為請其官爵詔授左馬頭以氏康為左京大夫敘從五位下長尾輝虎計擊氏康亦請京師請將軍足利義輝自冒上杉氏太田資正為輝虎詭諸將曰關東將士自古屬源氏此條平氏也胡為附之室町將軍已以輝虎為管領公等宜決嚮背焉於是將士多送款輝虎輝虎數入上野氏康遣兵拒之更有勝敗二年里見義弘又通輝虎以兵艦八十艘上三浦城島氏康成將梶原某富永某擊卻之追戰海中大獲而還永祿二年下總將士應輝虎欲攻關宿取晴氏結城晴朝來拒之初晴朝與小山佐竹宇津宮三族戰氏康遣兵援晴朝

三年
小田原之役
無前若前無人也
謂不可當

避說書
孫子云朝氣銳書
氣憤身氣謂言用
兵者避其鋒氣擊
其惰氣此治氣者
也

又在此出藏
成田下總守
輝虎無禮
軍糧不物雜糧
之謂之輜重車

晴朝德之故為之守已而聞三族應輝虎攻結城則辭還三年正月輝虎率騎卒十萬來攻小田原氏康議曰輝虎慄悍無前而智慮短促不能持久且以威力劫諸將諸將必有不服者吾厚集我兵不與抗加縱其猖獗坐待其變不損我兵而彼將自潰矣是兵法所謂避其銳氣擊其惰歸不戰而屈人兵者也乃盡召八州將士舍其城邑來保守小田原三月輝虎率諸軍至城下氏康不肯出戰輝虎攻之不能拔思城主成田長康憤輝虎無禮也不告而去將士稍稍去皆叛輝虎歸氏康走歸越後而東國歸勢氏者如故先是今川義元其

卷之十

日本外史

卷之十

五

輝虎走

上總氏臣

武田大膳大矢

與今川武田和

氏康若

氏政

五年

永

六年

遠山丹波守

鴻壽之役

富永三郎左衛門

榑木瀬在利根川

正水大膳

子氏真與武田晴信合兵，數臨境上以爭我富士河東之地。氏康與嫡子氏政俱會戰焉，不決。乃講和。氏康以女妻氏真，為氏政娶晴信女。十二月，氏康投國於氏政而老。五年，與晴信合兵，復取松山。松山者，太田資正屬城也。資正憾輝虎之不終功也，遣使說里見義弘。六年，義弘出兵，上總與資正合，欲襲江戸。城將遠山某謀知之，急修守備，而馳使報氏康。氏康氏政將兵發小田原，與義弘夾鴻壽臺而陣。其夜，疾騎報曰：義弘兵卻我先鋒遠山某，富永某進濟榑木瀬。平旦，引兵上臺上。敵將正水某伏臺傍二里許，卒起要擊我兵，大敗。二將力戰死。餘兵大走，敵追至。氏政陣，氏政麾兵橫擊卻之。氏康

羅 他計又 音池 芝草也 又 音 義同 四隣益畏 十年 既橋在野 小田原之役在三年

已濟水得，敗聞。諸將曰：吾欲為二將雪恥，何如？氏政曰：曩者遣一卒雜敵入其陣，還報曰：義弘在臺上，檢二將首，意色甚驕，曰：敵喪其良度，已退去。吾且日濟水追北，殲之，乃釋甲休兵，是其可襲也。氏康曰：然，乃勒二軍。氏康氏政自為先鋒，會日且暮，大霧咫尺不可辨。二軍自臺南北鼓譟，而登聲震天地。義弘軍大驚，資正乘愛馬名賀美，提白秘雜刀，手斫三十騎。氏政等僞正木以下十八將，斬首五十級。義弘資正輩以是上總安房諸城多望風降。四隣益畏。為十年十月，氏康與晴信合兵五萬，攻長尾輝虎。麻橋縱火，城下至其門還，以報小田原之役。輝虎不敢出，輝虎數竄河越，不

輝虎言子
三郎景康

氏直爲總
十一年 永_コク

府中在駿河
滅親謂奪孫之國

早重重依今川氏
且氏康以女事氏

赴援今川氏
十二年

興津在駿河

晴信逃去

寄跡
氏康祖長氏初
今川義忠依
姻戚
多氏康以女今川
氏直三妻之云

得志氏康有妾子三郎輝虎欲養之爲子以成其議氏
康聽之於是諸國無事及今川義元死氏真承其後而
活縱不親國政晴信其母之弟也陰謀奪其國十一年
十二月晴信舉兵襲氏真氏真逃走遠江晴信不敢追
留居府中恐我兵救之也乃遣辨士寺島甫安來說曰
請分駿河富士河以西屬武田氏富士川以東屬北條
氏氏康氏政怒曰晴信規利以滅親是豺狼也今川氏
吾祖宗所寄跡且爲姻戚吾必復代直矣乃執甫安囚
于伊豆以兵四萬餘騎赴援十二年正月陣薩陞山晴
信陣興津相持不戰至四月晴信度終不可支夜拔其
軍間道逃去氏真乃來奔氏康氏政分兵守諸城爲氏

真修府中城

六月晴信來入伊豆軍于鳴島會大雨我
兵夜襲其營晴信驚棄其牙旗而走關東將士多通晴
信者九月晴信發二軍來襲小田原時我兵大半成駿
河小田原兵寡十月晴信來至城下聲言請鶴岡神祠
以告戰捷氏康氏政欲待其入鎌倉而斷後殲之令兵
勿出晴信乃引軍歸甲斐氏政弟氏輝等要之三增山
擊破其先鋒而衆寡不敵我兵遂敗走氏輝獨身止戰
其臣大石某謂之曰是非公死處臣請代公死進而死
之氏輝得間馳走馬中箭斃其臣師岡某授其馬免之
氏康氏政將兵追晴信未至嶺三里而敗報至乃班軍
而戍駿河者舍守赴難十一月晴信復舉國兵入駿河

陸奥守氏輝

三增山在相模

大石遠江守

師岡山城守

新三郎綱重
蒲原在駿河

晴信盡取駿河
早川在相模
松田尾張守
元龜元年
氏康卒

講賴朝故事
氏政器不及氏康

諸城解走獨北條綱重在蒲原堅守不下晴信知其不可力取引兵而去綱重出追之晴信分兵直入其城綱重戰死之晴信陷府中盡取駿河氏康乃給氏真以早川邑而遣氏政及松田憲秀等擊晴信元龜元年九月氏政與晴信相拒伊豆聞氏康疾作乃還十月氏康卒年五十六氏康攻擊四方往往以身當敵有大創數十而常用心於政治講源賴朝故事察吏之貪廉而黜陟之關東諸國倚而安焉嘗與晴信會晴信問河越戰畧氏康曰是非吾功也綱成等忠勇所致耳其不矜如此故其士民皆以廉讓相尚趨君事如歸及其卒也無不哀慕氏政勇敢類氏康而器略不及氏康既卒甲斐將士

三止

姊、妹、誤

東上野足金乃
兩
長叔調肉
師部勝少

晴信講和

天正五年

佐竹常陸守

氏政免
相模守氏直
氏康官爵左京大夫從五位下

武田氏為屬國

六年
輝虎卒

喜平次景勝
四郎勝賴
與勝賴絕

欲乘喪攻氏政晴信方西擊織田氏以故不聽遂講和議氏政已無西顧之憂乃專經營東國天正五年夏擊里見義高破之義高請和獻其子義賴常陸國主佐竹義重亦效質子氏政於是授國於嫡子氏直而老氏政氏直皆襲氏康官爵晴信既卒子勝賴數出兵與織田氏德川氏爭大敗岬乃以重幣來請和且請娶氏政姊氏政許之自是武田氏遂為我屬國六年輝虎卒子景虎景勝爭國構兵景虎即氏政弟三郎也氏政為景虎請援於勝賴勝賴諾之景勝厚賂勝賴使臣勝賴變意遣兵助景勝攻殺景虎氏政大怒與勝賴絕織田信長既定畿內來約夾攻勝賴氏政許之七年九月與勝

七年
八年
十年

織田右大臣信長

三位中將信忠

夫人氏政妹也

瀧川左近將監

信長遇弒

安房守氏郡

金窪在上野

盡定八州

沃灌既也其土地

皆有灌漑之利可

耕故曰沃野

治鑄于山取地產

之寶聚著于海取

賴相持于三島八年戰于淨島原十年三月信長與子
信忠擊勝賴入田斐氏政氏直將兵三萬臨境上勝賴
困感欲死教夫人走小田原夫人不聽與俱自殺信長
既定甲斐信濃令我德川公居駿河令其將瀧川一益
守西上野居廐橋城十年六月信長為其下所弒一益
將西歸鉢形城主北條氏郡使告氏直而出陣金窪與
一益戰不利一益其乘勝而進氏直先鋒設伏而佯走
一益陷伏我兵前後擊之斬首二十級時甲斐信濃大
亂德川氏上杉氏爭之氏政又令氏直率兵數萬會戰
不決乃與共和定西上野而還當是時伊勢氏盡定八
州沃野千里鑄山煮海小田原繁華為關東都會第一

為塩之利也
氏政驕侈

政麥供賓

炊爨也後揚米去

糠也糶糶穀也時

乾暴也

氏政所謂不辨穀

麥者政左右竊笑

之也

憲秀弄權

榜令三倍

然氏政漸驕侈用入不別忠佞初氏政之為世子從氏
康略上野與武田晴信合兵軍松山時方仲夏有刈麥
馱過軍前者氏政見之指問左右何物左右曰麥也氏
政曰盡炊以供賓晴信哂曰吾余而後知北條氏大國
也郎君大國公子故為是言耳夫麥者擊之簸之擊之
啼而舂之者再然後浸之而炊之今郎君乃欲直炊之
左右竊笑之氏政不通下情如此以故國政日弊老臣
松田憲秀弄權柄士民多被冤枉者嘗有一僧過觀城
門榜令曰北條氏將亡矣或走告之市尹市尹召僧問
曰聞汝謂北條氏將亡信乎曰信曰何以謂之曰吾三
十年前過觀榜令四五條而已今則三倍焉夫德薄

正十二年
娶德川氏

秀吉復來

十四年
美濃守氏規

憲秀送款於秀吉
戶倉在信濃

則政滯政滯則令煩令煩則衆離衆離則君孤立矣君
已孤立不亡而何待市尹以告氏政氏政不為意獨委
任憲秀十一年七月氏直娶德川氏信長既遇害而其
將豐臣秀吉代為政於畿內挾天子以令海內德川氏
上杉氏皆附之秀吉屢使使來說曰盍來朝京師十四
年八月氏政遣弟氏規赴京師不肯親往如是者再三
氏政曰秀吉欲以口舌取八州盍以弓箭取焉秀吉怒
使使請戰於是氏政乃修城壘蓄糧仗八州將士皆留
其部下守城砦而自聚于小田原憲秀陰送款於秀吉
初憲秀子新六守戶倉城與武田勝賴戰數不利氏直
聞之罵曰新六怯夫多亡我士新六聞之慚恚叛降勝

堀左衛門督惣
久太郎

竹浦在相摸
山中在伊豆

間宮豐前守
朝倉能登守
松田右兵衛左

北條氏之滅在於是
役

十八年
小田原之役

賴及勝賴亡新六來歸當誅憲秀為乞哀乃宥死一等
屏居其邑至是新六又勸憲秀因敵將堀秀政通款焉
秀吉啗之以伊豆相摸令為內應氏政氏直不之知也
與憲秀議遣親族諸將分守要害美濃守氏規守韭山
陸奥守氏輝守竹浦左衛門大夫氏勝守山中氏勝綱
成孫也間宮康俊朝倉重高為副與舊守松田秀植俱
守焉氏政賜刀於康俊重高曰勉之康俊曰臣以死從
事重高退謂同僚曰北條氏之滅在於是役也山中之
城版築不備而命守焉是棄我輩於敵也吾視十餘年
來政多失道者事可知矣諸君謹之十八年三月秀吉
發兵二十五萬自將來攻德川氏為其先鋒二十九日

一柳伊豆守

湯本在相摸

險謂相摸也

淨野言意甚多如

清田野不為敵得

之也

先公已試之策謂

氏康固守小田原

不肯出戰而去諷

信也

一城大驚

越後宰相上杉景

勝

加賀宰相前田利

家

圍山中城城兵力戰斬敵將一柳直末而敵眾已凌城
 齊登康俊秀植死之氏勝重高遁走德川氏軍至酒匂
 四月竹浦及湯本守兵皆潰西軍來圍小田原氏直聞
 諸城失守議曰秀吉兵雖眾而以威力相持其心必不
 一我兵雖寡而五世君臣也我欲要秀吉于險一戰決
 雌雄憲秀沮之曰彼遠來糧饟不繼我堅壁淨野不戰
 而屈之是先公已試之策也何必行危僥倖氏直乃止
 憲秀潛使人告秀吉曰城西北有石垣山以為牙營則
 城內情狀無所遁隱秀吉從之一城大驚已而上杉景
 勝與前田利家以北陸兵來攻上野松枝城守大導寺
 政繁出拒于坂本不戰而走遂降為其先導下廐橋松

大導寺駿河守
 坂本沼田義輪並
 在上野

二人
 淺野
 木村

三人
 石田
 大谷
 長束

氏勝降德川氏

北條十郎氏房

岩親在武藏

妹尾下總守

館林在上野

淨梁即詩所謂方

舟造梁者梁水橋

也

應算收錢

山沼田義輪河越進圍鉢形城城主氏郡在小田原留
 守將士堅拒不下西軍別將千人以秀吉命徇下野上
 總下總下之氏勝逃在其邑日繩氏政氏直召之氏勝
 答曰臣何顏見君乎當死於此或譖其有貳心氏政怒
 會德川氏招降氏勝氏勝遂降之五月氏政弟氏房出
 襲蒲生氏營不利西軍別將陷氏房邑岩親留守妹尾
 兼延死之秀吉更遣別將三人攻館林城城帶大澤敵
 造淨梁濟之城兵死守不降秀吉取氏勝書諭之乃降
 六月西軍合兵攻忍城謂城可灌也募土人起堤防城
 主成田長康在小田原留守知其不可灌也陰出其人
 應募以收錢既就引水城不漸版而敵沮水不得近

狩野一奉本姓小

中山勘解由

金子三郎右衛門

近藤出羽守

奧州氏輝也

德川氏收用家範

助六昭守後補勘

解由

孝吉言匿兵餘日不

能得一首級

氏規守

數日堤潰西軍死者數百人景勝利家下鉢形圍八王
子城城屬氏輝其留守橫地監物道之狩野一庵中山
家範金子家重近藤助實相謂曰吾約奧州以死守其
可食言乎與數百人殊死戰利家在高處望見壯之問
降將知其姓名使往降之至則自殺矣及事平德川氏
收用家範二子昭守信吉信吉稱備前守為水戶傳者
也當是時里見佐竹氏及陸奥出羽豪傑皆降秀吉秀
吉舉天下兵圍小田原氏政伊達相馬秋田南齊等直勸眾堅守出令曰諸
將士各守其所毋妄相救更番休息者消息任意又
分麾下士六百人晝夜巡警秀吉合圍百餘日終不能
得一首級氏規守龜山秀吉以七將騎卒五萬攻之氏

朝比奈駿河守

小笠原丹波守

淨田中納言

秀家遺酒

左衛門督秀治

規謂其眾曰此地我高祖所由而起而吾受命守之失
一障壁吾之恥也眾皆奮激其將朝比奈泰能等數出
力戰西軍四面攻擊死傷無算乃築長圍不敢迫德川
氏將小笠原某以午兵傳壁皆死秀吉更將疾攻陷其
外城氏規親督戰即日復之八州城壘皆陷獨小田原
龜山不下氏房在小田原與敵將淨田秀家對壘秀家
以秀吉旨遺酒於氏房曰聊以慰城守之勞氏房又遺
物謝之曰聊以慰攻戰之勞秀家遂使言於氏房曰豐
臣氏與北條氏非有宿怨偶爾構兵半歲不決徒使天
下人膏鋒鏑今誠議和弭兵則封以伊豆相摸氏房以
告氏政弗答時堀秀政既死子秀治以秀吉密書投憲

點注標記

左馬助英春

英春入見直

秀吉百方誘降

下總守勝雅

二國伊豆相摸也

秀憲秀欲導敵兵入城。少子英春為氏直所寵，常侍左。右憲秀乃而告之。英春號泣固諫，憲秀弗聽，而止英春。不使復入。遂與秀治約，約既定，英春夜以遺擯自盛人。見氏直曰：「君苟有一人之死，則臣請告大事，誓而後告。」氏直大愕，告憲秀，詰而囚之。英春請宥其死，弗聽。秀治與約，至松田氏壘下，待報三日，望見其旗幟皆變，乃去。秀吉百方誘降，使里田孝高、羽柴勝雅因氏房說曰：「方今北條氏之勢如魚在釜中，而烈火烹之，盍及今納降，取二國以存先祀。」氏房妻子囚于岩槻，亦以書乞哀。氏房心折，勸氏政降。氏政曰：「吾承父祖業，主於八州，爭武而失之，吾不必憾也。納降計存，死且不能已。」而成田長康等亦送款於西軍。親臣

其父子氏政直也
不侯約不族封土之約定也
氏直娶德川氏故有姻戚之嫌

悔為老賊所誑
誅憲秀致城

田村安棲

宿將互相疑阻，交勸和議。七月，秀吉使德川公諭氏規曰：「子之武已多矣，今和議將成，子猶何守？宜來贊其議。」答曰：「氏規習于戰，不習於和，未能應命。德川公請氏直書諭之。氏規不得已，撤守備，約封土事。自小田原西門入，則氏直已自南門出。蓋秀吉以陰謀間疏其父子，故氏直惶惑不侯約而出也。於是氏直就德川氏陣，請曰：「願宥氏政以下，則亟致城矣。」德川氏以有姻戚之嫌，教之。因羽柴勝雅以告秀吉。秀吉曰：「吾當依其所請，獨其封土以二總代伊豆相摸。」氏規聞之，悲曰：「吾悔為老賊所誑，將歸。韭山復修守備。」氏直弗許，乃誅憲秀，致城於德川氏。出城內士民限以三日。氏政與弟氏輝出，在醫師安棲宅。

點注標記

日本外史

卷之十

二十一

田村氏

氏政氏輝自裁

氏直病卒

五世九十餘年

氏規忠勇

狹山在河內

氏盛氏信並美濃

守

久太郎氏宗

伊勢守氏治

遠江守氏朝

岩留舊岩留

據壁言之同時

封君規者高力清

秀吉憚氏政剛武又變約遣使者五輩就其舍令自殺
使者至難言之氏政氏輝察其色請間沐浴作絕命辭
自裁氏規將殉之監吏奪刀不得死秀吉宥氏直令率
氏規氏房氏郡英春等數十人入高野山給以萬石
年氏直病卒年二十一英春去仕前田氏自長氏國于相
摸至是五世九十餘年乃滅後秀吉思氏規忠勇以為
狹山城主食萬石其後氏盛氏信氏宗氏治氏朝父子
相襲歷事豐臣氏德川氏氏勝降德川氏為岩留城主
食萬石關原之役守岡崎慶長中卒養保科正直子氏
重大坂之役氏重在先鋒後數徙封終為掛川城主病
卒無嗣國除

長非氏勝也
彈正忠正直
出羽守氏重
掛川在遠江
攬自擊總持也

雲蒸龍變喻
身興也


外史氏曰余聞早雲喜召儒士說黃石公三畧其首有
言曰主將之法務攬英雄之心早雲聞之曰止矣吾既
得之矣不復使說嗚呼有以夫其以流寓漂泊之人據
有八州以開五世之基也夫足利氏隳其網維權臣內
闕海內戰爭所以然者無他故焉天下英雄各以其心
為心而主將不能收攬之焉耳早雲蓋早有見於此以
為天下之事可知已故仗一劍之任周流天下以求用
武之地一得其地雲蒸龍變莫之或拒夫以兩上杉氏
百年故家財賦之富兵馬之雄而早雲以赤手圖之矣
異錐鑿山哉乃能戰勝攻取制其死命者果何所持而
然歟亦以結納英雄得其驩心兵寡而志一地狹而力

孫子云夫兵人與
越人同舟而濟遇
風其相救也如左
右手
此道收攬人心之
道也

合如同舟濟江不期而救以此臨敵雖橫行天下無難
而況於兩上杉氏乎氏綱氏康所以續緒業致強大者
亦由此道也至於氏政氏直已伐兩上杉以擅八州之
富強意滿志侈不復用心於此上下漸遠君民不親欲
恃區區之法令以制馭其下而不知其下之心既已去
之矣將何恃以抗天下勁敵邪然豐臣太閤以不世出
之略加之以我東照公左提右挈率天下之猛將精兵
往問其罪其勢力足以震撼天地而合圍半歲纔能舉
之者非以其父祖之收攬人心有固結不可解也哉

日本外史卷十終

武田氏略系



上杉氏略系 本長尾氏

○平良文

五世 景弘 始稱長尾氏

晴景

政景 晴景族為謙信姊夫

景康

景房

○輝虎 繼事功字虎千代則景輝謙信

輝虎後與上杉憲政約為父子因冒上杉氏又受其職號初名景虎又將軍義輝賜偏諱改今名

十世 景政 居鎌倉稱權五郎

藤景 本藤原氏上杉重房庶曾孫為長尾氏嗣

景虎 實北条氏康子即三郎

○景勝 實政景子輝虎姪

定勝

綱勝

○綱憲 實吉良義共子綱勝外甥

十二世 為景

藤景 謙信同時人為其所誅

俊景

謙忠 並未詳

義春 島山義則弟謙信子養之後復當山氏

日本外史卷十一

足利氏後記

武田氏

上杉氏

新羅三郎左衛門尉刑部少輔義光無楯之甲源家所傳八甲之一也刑部三郎義清太郎信義五郎大膳大夫信光加藤次景康

武田氏源義光裔也。義光子義清稱武田冠者。從父受射傳伯父義家之旗。及無楯之甲。世居甲斐。義清孫信義及子信光等。從源賴朝起數有戰功。與逸見小笠原氏分領甲斐。賴朝移小笠原氏於信濃。以加藤氏代之。以及足利氏之時。信光後十餘世。曰信滿。上杉禪秀之亂。信滿以與之連婚。為逸見所讒。自殺。二子信重信長。信重與族父信元。逃為僧。信長依加藤氏。與逸見鬪。足

廢城轉
又駿物支
口

伊豆守信滿
太郎信重
六郎信長
信元官名未詳或
曰伊豆守
跡部上野介
永享中持氏以叛
見誅結城清朝奉
其遺孤春至安王
作亂義教發討
清朝并孤誅之
此役信重有功
甲斐守護也
加藤逸見名稱亦
未詳
左京大夫信虎
父島上總介一本
父島作福島
勝代韜晦
左馬助信繁亦

利持氏伐而降之。欲以其邑盡附。逸見將軍義持不肯。賜之於信元。信元死。子幼。其將跡部專國招信重為假主。結城之役。信重有功。新充守護。乃誅跡部。逸見加藤皆臣屬焉。信重後五世。曰信虎。與駿河豪傑久島某戰。而勝之。以是日生男。因名勝代。長曰晴信。沉毅多權。變信虎愛少子信繁。欲廢晴信。晴信故為癡騃狀。以自晦。與信繁角材技。輒出其下。或佯墮馬為人扶起。諸將皆侮。晴信獨與駿河國主今川義元相結。詭義元其女兄夫也。天文五年。義元為奏請。以晴信為嫡嗣。加首服。任大膳大夫。兼信濃守。十一月。信虎出兵。信濃攻海城。城主平賀源心善戰。信虎以兵八千攻之。踰月

天文

騷患也。自晦以
免忌也
治部大輔義元
晴信與今川氏結託
天文五年
海野口之役
源心入道
不尾不尾擊也
二郎信繁也

仍有愚色
飯富兵部少輔虎
昌
板垣駿河守

不能拔。會大雪。諸將議曰。時已窮臘。請班師。敵亦必不尾也。信虎從之。晴信請自殿。信虎笑曰。敵必不尾。而請殿如二郎。必不然也。晴信固請。以兵三百殿後。大軍數里止。舍親警其兵曰。勿釋甲。勿卸鞍。食於馬而後食。五更即發。唯吾所嚮。是視兵皆竊嗤之。曰。風雪如此。何警為。五更。晴信即發。還向海口。與三百騎冒雪馳。昧爽抵城。源心已散遣其兵。獨與百人留守。晴信分兵為三。自以一隊入城。二隊揚幟城外。應之城兵不測。其眾寡不戰而潰。乃斬源心。以其首歸獻。一軍大驚。信虎不賞。曰。舍城而歸。怯也。諸將心服。晴信而不敢稱其功。晴信仍有愚色。信虎狂暴。賞罰無常。國人苦之。晴信陰與老臣

板垣駿河守

卷之十一

七年

逐交自立

村上左衛佐又兵部大輔

誣訪

誣訪深志並在信濃

小笠原大膳大夫

原加賀守國房

並在中並在甲斐

紙旗

學詩諫君

飯富兵部板垣信形謀益結今川義元義元素病信虎強元欲助晴信而擅其國信虎不覺也七年五月信虎欲逐晴信於駿河因託之於飯富氏而自適駿河計之義元義元留信虎不返而晴信自立於甲斐諸宿將莫不頌首聽命而隣國聞變欲乘其隙信濃士民多去附村上義清六月誣訪城主誣訪賴茂志城主小笠原長時合兵一萬來攻晴信令騎將原加賀留守而自以六千人出拒並崎加賀聚府中農商得五千人執一紙旗鼓謀而出敵乃退走晴信寢驕恣耽宴樂喜詩賦不視國政羣臣莫敢諫板垣信形稱病潛延一僧善詩者於家學詩數旬乃出侍宴請賦詩晴信不信強請而

十一年

本曾在馬頭

平澤在信濃

兩足不能過是瘡

兩足不能行曰瘡

信形薦勸助

古者田祿補可段

因地之廣狹也

鎌倉之卒終是利

氏更為若于昔者

因地子之多寡也

蓋田有肥瘠所獲

不一故定稅額不

以町段之廣狹而

以地手之多寡亦

謂一貫大抵當

之十石則十而稅

四即四百也二百

以按藝求職

可立就五題晴信大喜曰汝何遽能如此信形因大諫曰先君唯無道故為君所逐今君復如此得不復有如君者乎晴信感悟遂厲精為政十一年三月義清長時賴茂與本曾義高舉信濃兵來攻諸將皆懼晴信曰四人合從議必不一可一戰而破也乃佯浚溝高壘四人以為怯進入境內晴信夜發乘霧雨逼擊大敗之四人再舉至平澤又擊破之自是連年相攻晴信每勝晴信舉山本勘助勘助三河人眼目瘡覺嘗學兵於尾形某以于今川氏駿河舊臣皆悔易之義元不奇也勘助寄食數年板垣信形聞其名薦之晴信晴信召見與語大悅之即日與二百貫邑賜名晴行十一月晴信以晴行

千

卷之十一

戶名城
村上義清馬
城部將津人
右二門守之

十三年
勝賴

太郎義信

十四年
伊奈名村未詳

十五年

塩尻嶺戸石並在

信濃

甘利備前守昌連

横田備中守忠量

使之右顧則克

上杉民部大輔
政

計取信濃九城十三年以信形計誘殺諏訪賴茂而納其女為妾明年生男勝賴稱四郎晴信有長男義信以為嫡嗣使勝賴承賴茂後十四年五月與小笠原長時及伊奈氏戰于塩尻嶺破之十五年三月攻戸石城村上義清將兵六千來援我先鋒甘利備前横田備中等皆敗死我軍將潰晴行說曰敵鋒不可遏使之右顧則克晴信曰我兵且不從令曷能使敵如我意晴行請假後隊兵左旋而出義清軍右顧晴信軍氣復振進擊破之晴行以功食八百貫邑乃往駿河謝前嗤笑者交口稱譽義元悔之上杉氏將士聞甲斐兵弊於戸石以二萬騎踰碓氷嶺晴信遣信形拒焉而自繼之九月擊破

真田彈正忠入道

一德齋

武藤喜兵衛梅安

房山昌幸

十六年

志賀上田原亦在

信濃

十八年

十九年

復出出訊訪原也

北条左京大夫

晴信與武康義元連

如

削髮稱信玄

吾貌類不動佛

劍索不動佛兩半

所執大智劍三昧

索也

高梨播磨守政賴

須田若狹守親滿

上杉氏軍真田幸隆及子昌幸皆有功晴信又用幸隆計誘投村上義清精兵五百十六年八月晴信死志賀城義清出軍上田原板垣信形將前軍戰勝不備義清窺其怠志甲襲殺之晴信赴援義清率死士突入其麾下與接刃隨馬終大敗十八年八月晴信畧地上野又與小笠原長時戰于諏訪原走之十九年三月復畧上野聞長時復出而還時今川義元與相摸國主北條氏康婚為氏康來請晴信曰氏康與上杉氏戰將取上野願君勿先焉晴信乃與氏康義元連和是歲晴信削髮稱信玄信玄引鏡自視曰吾貌類不動佛乃使畫史為已像執劍及索曰我死四隣襲入視吾像不敢加無禮

真田彈正

日本外史

卷之十一

四

而滿在越後

島津淡路守規久
四郡謂高井、水內、
埴科、更科也。
義清等投謙信
二十二年
天文

上總介良文高原
親王曾孫
次郎景弘
左衛門尉藤景
修理大夫重房
鎌倉將軍宗尊統
王後醍醐帝第五
子
六郎信濃守為景
上杉九郎民部大
輔房能

也。信玄連攻村上義清。又攻高梨須田島津氏。二十二
年。盡畧河中島四郡地。義清等不能支。相共計以為可
敵。信玄者。唯上杉謙信乃往投之。

上杉氏本長尾氏平良文裔也。良文後十世曰景政。居
鎌倉。稱權五郎。以勇著。東國大庭氏。梶原氏皆出於景
政。景政後五世曰景弘。始稱長尾氏。長尾氏嗣絕。養上
杉藤景為嗣。藤原氏。藤原重房從皇子宗尊。適
東國。食丹波上杉邑。因氏焉。子孫為足利氏外戚。管領
東國。藤景其庶曾孫也。後臣屬於上杉氏。散處越後上
野伊豆諸國。自藤景而後十二世曰為景。為景輔上杉
房能。于越後。後以事相隙。舉兵鬪。房能終死于兩溝。時

永正
後桓原

永正三年
六年

民部大輔顯定
安房守憲總
高梨攝津守

七年
妻有莊長森並在
上野
上杉兵庫頭景實
上條在信濃
長尾氏始大
天文十一年
推名肥前守
神保宗右衛門
梅檀野在越中
江波五郎

為景陷
彌六郎晴景
平藏景康
左平次景房

永正三年也。房能兄顯定為管領。六年。顯定與子憲總
率上野兵來討。為景為景敗。走越中西濱。顯定留徇。越
後。越後士民不服。顯定推高梨某為將。去歸為景。七年
六月。為景與高梨合兵。擊憲總。于推屋。破之。憲總走。保
妻有莊。隨而圍之。顯定赴援。戰于長森。敗死。憲總走。歸
上野。為景乃立上杉氏。庶孽定實。妻以其女置之。上條
城奉之。而已居越中府內。徇越後。盡下之。長尾氏始大
天文十一年。一向賊起。加賀與州豪族推名泰種。神保
良衡。連兵叛。為景為景自往擊之。至梅檀野。賊將江波
某。佯降。設穿于路。迎為景。陷而殺之。為景有四男。長晴
景。次景康。次景房。季曰景虎。景虎幼字虎千代。為繼妻

高城在信濃
天文十一年
高宗百名本
願寺門徒

為景陷
彌六郎晴景
平藏景康
左平次景房

景。次景康。次景房。季曰景虎。景虎幼字虎千代。為繼妻

景虎不學僧事

胎田或依胎田

據尾三條並在越

後

黑田和泉守

金津伊豆守

長尾平六俊景

貳城外城也

床下熟眠

門者山岸六助

春日山在越後

寺僧各門察

本莊美定守

宇佐美定行

駿河守定行

行勝新俗所謂

泮雲水坊主

出甫八歲精悍有膽畧為景不愛也遂之據尾欲以為

僧景虎不肯學僧事及為景死諸將多屬意景虎而大

臣胎田常陸者自為景時有權寵利晴景庸暗與二子

黑田秀忠金津某及三條城主長尾俊景謀立晴景殺

景康等景房出走追殺之貳城門中景虎時年十三亦

走門者為匿之篲床下逮夜發而出之則熟眠矣喚起

潛出入春日山寺寺僧繫之逃據尾匿乳母夫本莊慶

秀家慶秀與宇佐美定行盡心保護定行者上杉氏世

將好讀書通天文兵法謂景虎可輔也深相結託既而

景虎聞賊搜索已不置也則出避之同從士十四人為

行勝僧狀行勝穿鞋而出上米山瞰視府內曰吾他日

起兵必陣于此

滅仇對魂

賊謂一向賊及胎

田常陸黑田秀忠

長尾俊景等也

天文

十三年

十四年

十五年

十六年

神餘華人助

越前守政景辭

六郎

下濱在越後

敵過嶺追擊

起兵復國必陣于此遂至楠檀野泣且拜曰兒必夷滅

仇敵以慰冤魂於是經歷北陸東山諸國周視山川城

池形勢圖為齋歸有告賊以景虎所在遣甲來捕景虎

與慶秀定行謀起兵修據尾城據之聽命於上杉定實

十三年春俊景秀忠將兵來攻景虎防戰大破之斬俊

景走秀忠十四年遣神餘昌綱赴京師請討賊詔旨十

五年賊數來攻景虎每戰輒勝十六年晴景遣候政景

大舉來攻定行欲出戰景虎上城望之曰敵遠來無輜

重非久留者俟其將引去擊之可也夜半政景果卻景

虎以三千騎開門出戰于下濱未之及米山景虎按兵

止敵過嶺鼓衆追擊又大破之定行謂諸將曰諸君知

晴景自秘
十八年
十六年
胎田等伏誅
新山黑瀧亦在越後

高梨源三郎
越後盡定
二十一年
兄晴景也

貞長明

主公按兵止故乎。曰不知也。曰敵迫險急之則返擊聽其過嶺乘高下擊敵不能支。主公年少。臨機制變如此。豈我輩所企及哉。於是政景降。晴景窮蹙自殺。十八年。國人請景虎入府內。胎田等猶據三條。不下。十九年。景虎攻三條。拔之。誅胎田賊。以餘兵保新山。黑瀧二城。欲遂攻之。會上杉定實卒。不果。二十年。遣將高梨貞賴攻拔新山。誅黑田秀忠。宇佐美定行拔黑瀧。誅金津。越後盡定。二十一年。諸將士共欲推景虎為主。景虎曰。吾迫於上下之意。與凡抗兵。不料其自死。而吾主越後世謂吾篡也。今國內畧定。別擇主可也。吾逃為僧以明吾志。遂削髮號曰謙信。將赴高野山。諸將士連署請其止。治

不用令無君

林泉寺在越後

天文
二十二年
謁將軍
義清等來投

念顧念也

國謙信曰。置君將用其令也。不用令無君可也。自今吾所令莫敢或違。則吾肯止耳。乃與諸將誓而入。明日出令收專命大臣十六人。賜死于林泉寺。諸將股栗。五月。任彈正少弼。敘從五位下。謙信曰。坐受官爵。非人臣義也。二十二年。二月。假路諸國率兵二千。經北陸入京師。先詣關。遂謁將軍義輝。五月。歸村上。義清與高梨政賴須田親滿島津規久等。自信濃來投。請謁謙信。言曰。僕等為武田信玄所侵凌。容身無地。側聞公威名。願賜一。下午。救援。謙信曰。諸君豈為人下者。而來託於我。是知我也。我今略定內亂。念賀越吾父讐。常欲屠此二國。遂樹幟京畿。是吾素志耳。雖然。遇知我者。而不為出力。非

假路
時方戰國而往來
自由之使
三カハニ通リ行フ
言ハシ

日本書紀

日本書紀

卷之十一

十一

程道里也

也 遇敵不枉鋒

河島第一戰

遣使約戰

丈夫也。因問義清曰：信玄用兵何如？曰：信玄行軍不貪程頭，每戰要勝於後。謙信曰：彼要後勝，意在拓地也。吾則不然，遇敵輒戰，要不枉其鋒耳。於是下令國內，以十月十二日治兵。小田濱將八千騎入信濃，放火武田氏屬城。十一月朔，進陣河中島。信玄聞之，請援於今川氏將，步騎二萬出兩宮渡，使山本晴行等四人覘之。返報曰：北軍銳甚，君宜厚集其陣，不戰屈之。信玄從之。兩軍夾水而陣，謙信挑戰，信玄不出，相持二十七日。謙信遣使者言曰：吾聞公用兵，所嚮無留陣，而何獨不與我決乎？我於公非有怨仇，特為義清輩敢問公，何以奪彼地？公不欲與吾戰，則還地於彼，不欲還地，則與吾戰。信玄

傳發傳端令而發也 圓陣

畠山修理大夫彌五郎後改入菴 天文二十三年 大膳大夫長時

答曰：公庇義清，真為高義。雖然，晴信而未死，公不能成志也。公欲戰，則自公始。謙信曰：諾。乃決議約，詰朝會戰。即夜傳發，以七隊合為圓陣。平明度橋而進，信玄勒十四隊迎戰。自卯至未，爭橋相逐，勝敗不決。謙信分兵渡上流，出甲斐軍後。甲斐軍顧之退去，橫田源助、板垣三郎等及駿河七將皆死。而越後兵亦多死傷，引兵歸。先是謙信數出兵越中，而未得志。是歲使使招降能登國主畠山義則，以女兄妻之。取其弟義春子養之，稱彌五郎，實質之也。是時所管佐渡及莊內會津盜起，遣兵擊平之。二十三年五月，信玄與小笠原長時戰于桔梗原，勝而降之。長時終出奔京師，信玄以女為北條氏康婦。

卷之十一

北條今川翼武田

樂岩寺右馬助
布下和田各稱並
未詳

既至
十六日七

犀川之役
桔梗原清野鼠
驛犀川並在信
濃

張短渡軍

宇佐美駿河守
襖烏皓切袍襖也
赤馬黑鬃曰驪

襖陣羽織
驪馬鹿毛馬

為長子義信娶今川義元女於是二國相共翼武田氏
以扞謙信而信濃客將樂岩寺布下和田等陰通謙信
謙信出兵清野縱火鼠子驛聞客將事覺被謀乃還八
月謙信復以八千騎入信濃曰吾此行必與信玄親戰
決雌雄耳進渡犀川陣既望信玄以二萬人出與之對
固壘不出間日謙信使村上義清等夜伏兵而曉出米
樵者近甲斐壘甲斐共出追之陷伏皆死諸隊隨出乃
大戰終日十七合迭有勝敗信玄潛下令張短犀川而
渡伏旗幟徑蘆葦中直襲謙信麾下潰走信玄乘
勝而進宇佐美定行等以手兵橫擊破之擠之於河信
玄與數十騎走有一騎黃襖驪馬以白布裏面拔大刀

麾扇打

急流曰滿疾瀨也

後元良
弘治

弘治元年

信玄盡定信濃
高坂彈正
伊奈貞津亦在信
濃

諸將榮昌宣
河中島第二戰

來呼曰信玄何在信玄躍馬亂河將逃騎亦亂河罵曰
豎子在此乎舉刀擊之信玄不暇拔刀以所持麾扇打
之扇折又擊所其肩甲斐從七欲救之水駛不可近隊
將原大隅槍刺其騎不中舉槍打之中馬首馬驚跳入
滿中信玄纔免武田信繁聞信玄危返之呼騎索戰戰
死之是日西軍死傷大當而信玄被創夜收兵退後獲
越後捕虜言嚮騎乃謙信也弘治元年四月信玄攻降
木曾義高以女妻之二年信玄取伊奈郡於是盡定信
濃以高坂昌宣守貝津城以備謙信謙信為武田氏強
敵第一諸將因榮昌宣也三月信玄謙信復對壘河中
信玄與山本晴行等謀曰我分兵遠出越後軍後鼓譟

魚生標記

日本外史

卷二十一

九

卷之九

曉七時
午前五時

高請行等
戶神山並
在信濃

輪轉返戰

河上島三戰

逼之而以水軍夾擊必大得志乃令信濃客將保科彈
正等以兵六千夜度戶神山時月黑迷失道不能達謙
信見甲斐軍夜襲人馬有聲也潛起環甲傳令舉八千
騎出五鼓詣信玄牙營會天大霧謙信自霧中直前營
而入營驚潰斬山本晴行等六將而天明矣客將兵達
上杉氏營營無隻騎顧聞河中戰聲如雷則還渡筑摩
河出北軍後甲斐軍望見乃返夾擊北軍北軍敗走追
逼之犀川北軍輪轉返戰包追兵將虜之甲斐後軍橫
擊救之北軍乃倒隊而退宇佐美定行植櫛渡口護之
盡濟甲斐兵疲不復追擊八月謙信復出河中使村上
義清等營舊戰處而自進過河背水陣信玄知其志在

進擊者族

疏行首疏開軍行
前路也

甲越和成
永祿元年

必死不敢出戰其候騎報曰北軍積薪如山信玄令諸
將曰敵中夜有人舉慎勿進擊進擊者族及暮候騎又
報曰北軍掃營荷擔將去諸將爭請追擊信玄曰謙信
豈迫暮掃營者擊之必敗其夜北軍火起甲斐軍不動
天明望見北軍疏行首嚴陣而待諸將乃服信玄信玄
謀設伏兩山間挑戰佯敗誘敵入山瞰射殲之乃夜設
伏而明縱馬入北軍中出擊卒追之謙信不出信玄慮
兵老有變乘夜退入上野原謙信舉軍追擊信玄返戰
殺傷相當交收兵歸甲斐越後兵連不解兩國士民患
之皆願講和今川義元為周旋之謙信將有事於關東
及越中於是和成永祿元年三月謙信自將入越中越

正親町
永祿

甲越和成
永祿元年

卷之九

卷之九

上杉民部大輔

永正中上杉康能及其兄顯定並為景所殺見上

北川在越後

憲政與謙信約為父子謙信稱上杉氏

彼用奇我用正

中加賀將士交請降許之先是上杉憲政數與北條氏康戰每戰輒敗關東盡屬氏康憲政欲請援於謙信是歲秋憲政走入越後求見謙信謂之曰吾嘗領北川十

斯波知山

發使京師

北條義時請康

道家貞頼經為

永祐主

二年

天子賜酒

近衛關白龍山

改名輝虎

三年

和田在信讓

越前守政景

至德寺泉福寺並

在越後國

本莊越前守

永祿

四年

關東將士賀正

城復平井據之發使京師告東伐事且請攝家一人為關東主而已輔之如此條氏故事二年四月再入京師營于坂本五月朔詣關天子賜酒侑以寶劍名五虎請前關白前關東下見許又謁將軍命管領關東北三管領許乘篋輿執朱柄麾賜已偏諱改名輝虎三年五月謙信自將攻和田城未下遣長尾政景侵武藏九月前嗣來館于至德寺於是謙信發二萬騎陣泉福寺北條氏康大舉禦之本莊繁長以所部為先鋒接戰相摸軍卻諸隊繼進謙信以麾下自中路進與氏康戰大破之關東豪傑響應乃報捷越後迎憲政居之既橋牙城而自居其郭四年正月關東將士賀正既橋遣兵攻古河

日本外史

日本外史

卷之二十一

十一

太田備中守資正
入道三樂
小幡上總介
高麗山在相摸
憤踊頭之巾也
此公親吾曹如蟻蟻
輕井澤在信濃

海峽在相摸
謙信無老成之計

拔關宿河越諸城三月謙信部七十六將兵凡十一萬
進入相摸太田三樂小幡憲重等居前建牙于高麗山
下北條氏遣死士狙擊謙信謙信覺捕之縱還遂圍小
田原氏康不敢出謙信脫曹穿白布憤騎白馬執朱柄
麾馳入諸隊指揮軍事關東將士竊指目語曰此公親
吾曹如蟻蟻寧可終戴乎當是時信玄在輕井澤飯富
兵部說曰謙信威嚴如此北條氏必亡則我亦危矣君
宜及小田原未陷引兵出三增嶺直當越後中軍得勝
大善即不勝亦足以伸義天下信玄曰不可謙信用兵
迅速得之天資而無老成之計關東將士必不能堪終
當歸氏康汝暫待之守佐美定行說謙信曰城堅我深

八葉細代三
八葉形シフミ
飾リスルナリ車
大の四ア大
一別アリ大臣
テ葉車ニ其製
大幡車似タリ

久頃原自止舎止
新發田因幡守是
時稱五十公野原
太
八葉者車形極之
文也有大小之制
見挑華葉集
小幡三河守
千葉小山名稱並
未詳
成田下總守長泰
其祖與賴義為
戚
孝之以養指之也

入久頃恐有變宜及今收兵從之新發田治長年少為
近習自請為殿氏康不敢尾擊乃入鎌倉詣鶴岡祠觀
原氏北條氏舊圖索故物小八葉車載前嗣而謙信騎
從焉關東將士擁齋前後小幡憲村操刀從千葉國胤
小山政朝門閔最高爭坐次不決訴於謙信謙信判曰
在八州之士千葉氏可為首小山氏不可為尾二人不
能爭忍城主成田長泰稱源賴義故事立馬祠前以待
從士曳長泰下馬拳之長泰慚志奔歸諸將致歸者相
繼謙信還至武藏府長泰與北條氏兵尾擊之謙信令
委棄輜重於道敵爭取之因蹂躪而過入平井四月以
憲政歸越後六月關東諸將復附氏康來攻平井謙信

諸將復附氏康

謙信傳記

日本外史

卷之十一

十一

按師谷在野
牙兵麾下也

北條氏請信玄北侵
四年

龜取鳥塚三堰
筑摩川之戰
貝津敵謂信玄是

聞報即發潛軍由按師谷出。比曉擊北條氏軍。待前軍戰半。自以牙兵旁出。橫擊中堅。使別將逃出其背。氏康敗走。復自井阪橋諸城而歸。謙信之攻小田原也。北條氏使使請信玄北侵。越後以牽其勢。信玄乃令高坂昌宣焚掠疆上。謙信大怒。四年八月復出。信濃壘于西條山。堰水為池。以備貝津。敵信玄與義信將二萬騎來陣。兩宮渡。以絕其歸路。越後將士說曰。利在速戰。謙信不肯居三日。信玄收兵入貝津。以瞰謙信。謙信自若也。信玄謀曰。謙信蓋待吾變。不動其軍也。吾伏兵河中。而別軍自貝津直往。攻西條。則謙信無勝敗。必引兵北歸。而吾承敵。慶戰。謙信可擒也。越後謀者報曰。甲斐軍出。

謙信問
直江大和守
齋藤野守

山上西條山上也

色部修理亮

貝津南行矣。謙信召諸將問計。直江實綱曰。彼國內有變。故乘夜引去耳。當邀擊之。宇佐美定行齋藤朝信曰。不然。彼蓋為二軍。欲及吾踰河夾擊之也。語未畢。謀者又報曰。甲斐軍渡廣瀨上。河中陣矣。謙信謂二人曰。如汝言。吾將出其意外也。乃置疑兵山上。而全軍御救縛馬舌。涉兩宮渡。遇武田氏。斥騎十七人。盡斬之。進厭信玄軍。而陣使本莊繁長。色部長實等將二千騎陣。訖摩河岸。甲斐別軍已向西條山。信玄俟報至。曉曉未辨。人色見謙信牙旗在前。將士皆失色。越後軍鼓而進。聲震地。信玄不暇易其陣。以弓銃力拒。謙信常憾。向斫信玄而不遂也。欲必決死。自抽牙兵前逼。信玄麾下麾下潰。

古本外史

卷之十一

廿三

信玄脱走

甘糟近江守

志田源四郎田作
馱鳥正

永祿五年

長尾小平次彈正

忠入道謙忠

五郎憲勝稱新藏

甘利左衛門晴吉

米倉正房

竹橋

亂赴犀川荒川伊豆逼擊信玄信玄脱走謙信追之義
信以二千騎尾謙信後甘糟景茂等擊走義信謙信既
克休止傳餐義信又以殘兵返襲敗之斬越後將志田
義時以下數十人謙信執槍親闖本莊繁長等來援復
擊走義信或說貝津敵夜出乘我疲宜急收兵謙信不
肯肯犀川陣次善光寺三日遣使信玄欲再決戰甲斐
將士又有請焉者信玄皆弗聽五年三月北條氏康請
信玄合兵攻松山松山太田三樂屬城也三樂與長尾
謙忠在厩橋令上杉憲政庶子憲勝守之告急於謙信
甲斐卒將甘利氏臣有米倉丹後者來竹為楯以打銃
凡諸隊依之遂陷松山降憲勝而謙信方至厩橋問三

謙信遣使
私市在武藏
要擊也
小田助三郎

樂曰松山何如曰陷矣謙信大怒瞋目按刀而跪曰汝
以怯夫守城使吾不及事是辱我武也吾寧與汝死三
樂懼伏不知所出乃上松山糧仗籍及憲勝質子二人
謙信左手捽二人髮而右手斬之收刀復問曰敵軍幾
何曰五萬人將帥誰某曰信玄義信氏康氏政謙信笑
曰與吾敵者二人而已如氏政義信吾直以刀背擊
足矣抑近地有敵城可攻乎曰私市城距此十里許謙
信曰可攻也即親將赴攻三樂從之綴舟濟乃根川既
濟毀舟過信玄氏康軍前遣使言曰二公攻松山而僕
不及接僕深愧之不敢徒歸今往攻私市二公幸見要
不答乃傳城四面齊登晝夜拔之斬城將小田朝真

點主票已

日本外史

卷之

四

北莊丹後忍讓其
父安藝守也

季幸
河越之戰見後此
條記

信玄使氏康談戰略

永祿
六年

白谷銳前守

鑿三千人。以志田春義代守還遣使二氏軍曰。僕拔城而還。猶可以戰。二公豈有意乎。甲斐軍鼓譟。謙信免曹下馬徐行而還。至旣橋。召長尾謙忠曰。三樂從我。汝何不從。拔刀斬謙忠。屠其衆二千。使北莊丹後代守。然後歸。氏康謂信玄曰。公何以不戰。曰。吾與公敵。一謙信雖勝。可愧也。信玄從容與氏康語。因問之曰。河越之戰。公以一軍克兩上杉氏。願得聞其詳。氏康曰。公在焉。僕何敢言。信玄固請曰。欲使兒聞之。氏康乃談其戰略。信玄稱善。還至其營。謂馬場信房曰。氏康手段。吾得之矣。六年。信玄出兵上野。取叢輪。松枝諸城。又畧飛驒。降其豪族。江間常陸。而白谷銳於謙信。謙信於是與信玄。

族誅江波氏

佐野小太郎

傳教講和

四郡謂高井
水内埴科更科

祇音支適也。但也
角力博郡

越後力上長谷川

四郡之幸
信謙攝兵之
間。劫回諸家
幸免二氏之
攻。幸也

分領飛驒。謙信自將入越中。拔松倉。小出。獲嘗殺為景者。江波氏合其族十六人。盡誅之。梟首梅檀野。祭告為景。是歲。謙信入上野。取伊勢崎。四月入下總。攻白井。與北條氏援軍戰。走之。先是常陸小田氏治屬。謙信已而歸歛。北條氏謙信怒。七年正月朔。冒雪發越後入常陸。攻陷小田城。二月。攻佐野。昌綱於上野。五月。北條氏康來援。逆擊走之。降昌綱。會足利氏使者來。傳教旨。諭上杉武田北條三家講和息兵。八月。謙信自巡視信濃境。上信玄亦出對營。兩家諸將交說其君曰。君以四郡故。與強敵構兵十二年。多喪士卒。祇為四鄰之幸。無為也。二人然之。乃約各撰一力人。使鬪。勝者取河中上杉氏。

點生票記

日本外史

卷之十一

十五

無為也
猶無益也

牌造位牌也

上在信濃田

與五左衛門
甲斐力士安間房
六

不識菴

越前守政景

野尻在越後

定行捉政景同溺

喜平次景勝

鐵上野介

吾輸小兒

力士鬪勝信玄乃獨取貝津一城其餘盡屬謙信乃復
村上義清高梨政賴等按其故邑謙信築精舍于春日
山號不識庵盡牌將士殉難者自予祭之先是謙信使
長尾政景守上田備信玄已而思之有告其謀叛者乃
召諸親信密議誅之宇佐美定行諫曰政景叛狀未著
誅之恐招騷擾上田要害折入武田氏君又負殺婦夫
之名謙信不聽使定行圖之定行乃歸其邑野尻招政
景觀漁湖中以漏船迎載捉政景同溺宜言私滅相殺
因没入定行邑而陰祿其子收養政景子景勝令鐵安
朝代守上田河中島之役謙信為武田義信所襲敗曰
吾乃輸小兒本莊繁長長尾藤景有救援之功又竊笑

帶刀藤景

距堙謂積土稍高
而前以傳敵城也

信玄恐義信倣已
倣已謂倣父也

兵部少輔昌景
山縣三郎兵衛

今川氏始惡於武田
氏

三好左京大夫
松永彈正忠

之謙信惡之誅藤景繁長自危叛據其邑遣兵討之作
距堙圍守數年而降義信勇敢善戰將士歸心信玄忌
之恐其倣已也勝賴以庶子陰有奪嫡之志乃與飯富
兵部之弟昌景謀使人誣告義信教兵部就軍陣圖信
玄昌景證之信玄囚義信盡誅其親信賜兵部死屬其
部兵於昌景改氏山縣終令義信自殺歸義信妻於駿
河今川氏始惡於武田氏武田氏既不慮上杉氏而其
兵西出矣初信玄謙信共欲伸武於中原而兵結不解
未暇及焉謙信之再入京師也三好長慶權勢方熾家
臣松永久秀專政其吏徒途遇謙信不禮謙信命從士
斬之因密啟將軍義輝請除長慶久秀義輝雖不能決

京本真記

卷之十一

十五

八年 義輝密召謙信

永祿 九年

義昭依信長

信長結信玄控謙信

秀勝一本作勝長
稱源三郎
太郎信勝
秋田城之介信忠
上總介氏真
三浦右衛門佐

心倚賴之久秀等頗聞之懼八年義輝密使使召謙信
久秀等大懼欲及其未來行大事遂弒義輝義輝弟義
昭逃走近江九年以書來託謙信以興復議不輒成義
昭遂依織田信長於美濃信長擁義昭入京師遂略定
近畿頓致強大顧恐謙信信玄議其後又自知非二人
敵也乃傾意結信玄以控謙信使幣相踵於甲斐信玄
知其意動輒敗約欲西其兵信長患之乃送其季子秀
勝為質以女妻勝賴生信勝及義信死立信勝為嫡嗣
而勝賴護之信勝母死信長又請為其子信忠取信玄
女信玄與織田氏婚遂與今川氏絕先是今川義元與
信長戰敗死其子氏真暗弱任嬖臣三浦義鎮國人

信玄不答父

謙信給鹽

永祿 十一年

菴原彌兵衛

不服我德川公嘗屬今川氏亦去屬織田氏兵力日強
是時信虎猶在流寓信濃使人言於信玄曰駿河亂將
為德川氏所有汝宜先取之信玄不答信玄國不濱海
仰鹽於東海氏真與北條氏康謀陰閉其鹽甲斐大困
謙信聞之寄書信玄曰聞氏康氏真困君以鹽不勇不
義我與公爭所爭在弓箭不在米鹽請自今以往取鹽
於我國多寡唯命乃命賈人平價給之信玄使問者同
駿河曰可取也陰招國人約為內應十一年十二月引
兵南入駿河軍八幡坂氏真舉兵拒清見寺軍潰走歸
府中遂走掛川信玄欲隨攻之而慮氏康來救乃止軍
府中取諸降附任子送致甲斐聞菴原其嘗與山本晴

清見寺之能並在駿河

美濃守信房
啄木啄蟲
啄木鳥名也

水原
十二年

行交召問要地可城者以久能及興津答乃城之氏康
果以大兵來爭駿河以復氏真為名信玄留兵守府中
而自軍興津氏康軍薩陸山相持未戰信玄曰氏康數
與兩上杉戰用兵遲緩易與也因飲將士酒問曰猶寒
乎曰寒信玄曰我陣平地飲酒而猶寒彼陣山上寒可
知矣必下在其麓也令人伺其陣陣果無人乃奪其糧
仗還後數挑戰不決至四月信玄問計諸將馬場信房
曰臣嘗見啄木啄蟲欲出蟲於前先啄其後信玄默然
曰然夜收兵歸氏真遂走相模幸浦義鎮為德川氏所
誅十二年六月信玄出駿河入伊豆軍鳴島會大雨流
潦侵陣引返於是氏康兵專防西面在小田原者甚寡

北條氏輝雲
三增嶺

內藤修理亮

曰如何言卿向者
諫我今果如何也
昌言是諫
謹言也

信長請信玄

蒲原在駿河
時北條綱重
守之

信玄謀知識攻之高坂昌宣諫曰彼已懲謙信講戰守
必悉君深入之一有蹉跌前功悉廢而謙信將乘其後
不聽九月下兵八王子攻敵城邑不下者過而南入小
田原縱火城下十月引還遇北條氏二萬兵三增嶺召
諸將命內藤昌豐掌輜重昌豐辭信玄曰前謙信唯失
輜重故敗於小田原是重職也設八伏及兵交夾擊破
之歸謂昌宣曰何如昌宣曰是僥倖耳信玄嘉其忠讜
相摸兵成駿河者聞難棄守還救信玄瞰之十一月急
出駿河拔九城獨蒲原不下信玄宣言赴府中伏兵城
傍山中而西敵空城追之伏起取城遂陷府中及諸城
與德川氏割大井河為界織田信長以書來請曰松平

源三郎康俊也

介弟異父弟久松

二氏所據橫絕海內

神保安藝守

懸軍橫行如雷雨過

三國嶺在上野

元龜元年

飯盛在信濃

元龜

家康僕所最眷顧者。公幸指教之家康。介弟在今川氏。公宜取以為質。關東北陸諸國皆使使賀捷。於是信玄國傳南海。謙信國傳北海。以橫絕海內。北條氏在其東。織田氏在其西。織田氏求援於信玄。北條氏求援於謙信。而謙信未之肯也。是歲春謙信攻陷武藏下野諸城。秋入越中。攻神保長純。會畠山義則不能治其下。能登亂遣上杉義春治之。立義則子義隆而還。當是時謙信連略加賀越中。而時出關東。兵行神速。敵不能測。每懸軍橫行八州。八州諸城聞其來震懼不敢出。聞其還上三國嶺。然後相告解嚴。如雷雨過者。元龜元年。佐野昌綱族據飯盛城。與昌綱鬪。北條氏政以四萬騎助攻。

黑綿衣十字槍

富田中寺在遠江

深澤在駿河

授故名于三郎

康俊也言使信玄

不得遠出也

之昌綱告急於謙信。正月謙信即發。晝夜兼行。聞氏政將分其兵當已。而急攻拔城也。謂諸將曰。饒令我戰勝。氏政而不救。城陷無益。吾當獨身入城堅守。汝等推義春為將。繼進。乃獨與八十騎過氏政陣前。而入城。謙信穿黑綿衣。不被鎧。提十字槍。騎行敵軍指目曰。謙信也。而大驚。不敢避。擊諸將。尋至北條氏軍。潰走。謙信遂屠飯盛。徇下野。下總。入厩橋。北條氏康聞氏政敗。將二萬騎出援陣。河越相持三月。使使請和。質其季子三郎。謙信與諸將議聽之。會見于富田。大中寺。携三郎歸。授其故名曰景虎。四月氏康入駿河。攻深澤。不下。又請謙信出兵上野。信濃。間以廢信玄。信玄自將出拒。交綏而退。

信玄與德川氏絕
氏政請和信玄

綏退軍也
信玄與德川氏絕
氏政請和信玄

義昭諭謙信使
二年

十一月。德川氏質子道去。於是信玄與德川氏絕。而織田氏聘問益厚。時氏康病卒。氏政請和信玄。將士皆說。勿許。乘喪擊之。盡取其地。雖謙信不能支也。信玄曰。吾夙欲出兵東海。並海而西。建旗鼓于京師。則吾雖死不憾矣。前有醫人診我脉。謂當罹篤疾。吾經營關東。而中道疾作。志不可成也。信長乘吾輩不西。以家康當我西面。而陰助之。其計可憎。我欲與氏政和。治信長。十二月。遂納氏政質。使逐氏真。氏真走。倚德川氏。時信長與義昭相隙。義昭以書諭信玄。謙信來圖之。二年。二月。信玄引兵東出。至遠江。攻高天神城。四月。入三河。陷八城。德川氏出援。觀田斐陣嚴整。不可犯。不敢接戰。信長聞義

信長婿事信玄

德川氏在遠江濱
松故曰高天神城

德川上杉通好

源吾國清

三年

勇名也
推名肥前守
神保安基守

三形原之役

小山田備中守

昭招謙信。信玄懼甚。乃益婿事信玄。以書謝曰。家康密通貴國。恐有違失。僕當訓督之。勿見尤。信玄答曰。老夫不知也。德川氏發兩使通好於謙信。載誓書。請夾擊信玄。村上義清子國清。寓越後。力贊成之。三年。四月。謙信將萬人出。信濃。縱火長沼。以遙為德川氏聲援。勝賴在伊奈。聞警。以兵八百赴拒。謙信曰。彼敢以寡兵當我。不愧。信玄兒吾成其勇也。引兵而還。入越中。夷推名。神保氏。十月。信玄計謙信阻雪不能出。則復出遠江。拔二股城。信長潛遣兵援德川氏。十二月。信玄進陣三形原。以薄濱松城。縱火。城下挑戰。城兵不出。信玄佯退。城兵大出。上原能登謂小山田昌行曰。德川氏之陣單。織田氏

源生原記

日本外史

卷之十一

二十一

刑部在遠江
平手甚左衛門

信長分疏

分疏分條數陳也

天正元年

野田在參河

秋山伯耆守

許信長五罪

岩村在美濃

城將稱遠山内匠

助

之旗動可取也。昌行以告信玄。信玄乃返旆。昌行與勝
賴及山縣昌景馬場信房為先鋒。昌行昌景先合而卻。
勝賴信房承之。衝其麾下。信玄乃遣米倉丹後。自間道
橫擊大破之。諸將請遂攻濱松。高坂昌宣曰。不可。我攻
之。二旬不捷。信長必大舉來援。相持數月。而謙信出信
濃。則我不得不還救。信長則曰。我能卻武田氏矣。是損
威名也。信玄乃退。次刑部。是役獲織田氏將平手汎秀。
送其首於信長。讓而絕之。信長猶分疏不已。天正元年。
正月。信玄拔野田城。疾作而歸。信長請將軍義昭諭信
玄。弭兵。信玄辭之。許信長五罪。二月。使秋山晴近誘降
岩村城。城將妻信長之姊也。晴近奪而納之。京畿將士

信玄遺誠

樹旗于瀨田

信玄遺誠不遂故
信迷中猶為此言
也

孫六郎信綱入道

道造軒

空紙也

空紙上頭而畫花

多來送款者。三月。信玄疾愈復發。曰。此行必入京師也。
部兵三萬出美濃。信長以萬人出拒。山縣昌景以八百
騎馳之。信長不戰而走。乞和。益力。信玄不聽。轉入三河。
次平谷。四月。疾復作。自度不起。召諸將處後事。使勝賴
攝衆。以俟。信勝長誠之曰。汝慎勿往。兵以亡我國。吾死
天下獨有一謙信而已。汝請接以國。託之彼一受。汝託
必不與隣國合。以侵汝也。言畢。昏迷已。而呼。山縣昌景
曰。明日樹汝旗于瀨田。乃卒。年五十三。諸將以遺命。秘
喪。以信玄弟信綱。親肖信玄。輿載之。歸曰。信玄有疾。歸
國。以昏夜。延見四方使者。信玄又豫。吳空頭花押數百紙。
以備書問。以故。無來犯者。信玄居常。畧書志。嘗以孫

以故
信玄之死
不知故也

點圭票記

卷之十一

二十一

四林
未可兼信屋如森
林之文在列也
如凡也

押於紙尾也
孫之語見軍爭
第七

要第之合之勝
共好敵手

四將說勝賴
二廢專龍
長坂左衛門道

跡部大炊助

長條在參河

子語書其旗曰不動如山。侵掠如火。其靜如林。其疾如風。馬場信房問曰。風雖疾哉。非倏起倏止者乎。信玄曰。兵鋒貴疾耳。苟止矣。則吾以麾下繼之。信房曰。君要第。二合之勝也。其君臣講究武事。皆此類也。四隣頗聞信玄死。北條氏政馳使告之。謙信謙信方食。舍箸而歎曰。失吾好敵手矣。世復有此英雄男子乎。因潸然流涕者久之。甲斐宿將馬場信房。山縣昌景。內藤昌豐。高坂昌宣。四人交說勝賴請和。謙信勝賴不聽。勝賴性剛。復自用長坂調閑跡部勝資。自信玄時已被近幸。勝賴益龍之勝賴欲出兵美濃。四將交言不可。調閑勝資勸之出會三河軍圍長條。乃止。五月。勝賴遣信房。援長條。敵設

二年

武田氏之滅兆於此

二氏德川織田

信虎狂暴如故

伏而燔柴為燒營。道以誘我將士。欲追之。信房曰。其烟自非燒營也。使騎往踐之。果有伏。乃退。次黑瀨。城陷而歸。昌景向濱松。亦不利。歸。二年二月。勝賴出美濃。陷諸砦。五月。攻陷高天神。歸。宴將士。昌宣昌豐相謂曰。武田氏之滅兆於此。宴矣。昌宣說曰。君狂勝不戢。構怨四隣。非長久計。宜還地。二氏與之連和。稍取東國。厚集其勢。二嬖沮而止。已而二嬖勸勝賴出遠江。濟天龍河。遇敵不戰而還。還至伊奈。信虎在焉。年已八十。乃欲載歸。視其狂暴如故。乃止。四隣觀甲斐兵數不競。知信玄定死。稍窺之。自信玄之死也。信長專意於謙信。卑辭厚禮。事之猶事信玄。以其妹嫁神保長純。長純上杉義春之兄。

信長專意於謙信

卷之十一

二十一

信長陽結謙信陰圖之

七尾在能登
木船在越中

誅遊佐

九月十三夕賦詩

信長謝罪

也屬謙信者。信長因陽結謙信而陰圖之也。又陰以計招上杉氏諸將歸歎於已。謙信書請其反覆。信長答書陳疏。謙信不聽。會畠山義隆將游佐彈正等毒殺義隆。以七尾城降信長。七月謙信將兵三萬西伐。攻長純木船城拔之。遂入加賀。屠金澤。移兵攻七尾。以義春為將。努力復取能登。游佐等乞援信長。信長方攻長島。不能來。九月城陷。誅游佐等。乃休兵。二日。屬十三夕。月色明朗。謙信置酒軍中。會諸將士酒酣。自作詩曰。霜滿軍營。秋氣清。數行過雁。月三更。越山并得能。州景遮。莫家鄉。憶遠征。令將士善歌詩者皆和之。遂為政國中。而歸信長遣大兵來接。聞城陷引去。信長猶使使謝罪於謙信。

與平美濃

天正三年

計史司金穀史也

大賀弥四郎

長條之役

武田兵庫頭信實
為東在參河

道原寺在三河

信玄已死公何怖之甚

萬銃與柵

是歲信長招降三河將與平信昌。令守長條。以備甲斐。三年四月三河計史大賀某陰送款。甲斐約為內應。勝賴往陣。柵城聞大賀謀覺。被誅。乃還。五月勝賴以萬人附昌宣。留柵。越後自以一萬五千圍長條。單道虛寺令叔父信實守。為巢壘。德川氏乞援於信長。信長不敢出。使者三反不許。使者請曰。不援則納遠江於武田氏。為之先驅。以取尾張。且信玄已死。公何怖之甚也。信長乃自將來。援兵九七萬。猶憚甲斐騎兵衝突。植柵三層。守以萬銃。勝賴欲戰。信房昌景昌豐等皆諫曰。敵衆新來。其氣銳。下若且避之。不則疾攻城。雖損我兵。猶可援而歸也。二屢曰。一戰夷兩敵。在於今日。勿聽老怯計。信房

燕注標記

日本外史

卷之十一

三十一

老怯者必死公等乃

室賀入道
河豐河也

真田源太左衛門
土屋右衛門尉

昌宣大諫勝賴

曰今日之戰老怯者必死若公等乃遁走耳勝賴遂留
室賀行俊小山田昌行圍城而自進濟河陣且日敵聞
道襲為巢信實敗死我陣顧而動敵眾挑戰昌景為左
先鋒進犯敵柵中九死信房為右先鋒與真田則幸土
屋直村破柵而進則幸直村亦中九死室賀行俊來請
曰圍可解否勝賴曰可言未畢諸軍大潰信房使人馳
白勝賴曰君速去臣請留死之與八十騎止戰盡亡其
騎自登高邱顧視勝賴已遠矣乃號於敵曰我馬場美
濃也宜斬以受重賞敵叢刺之死一發先適昌宣豫慮
軍敗也以兵八千迎於境上以歸因大諫請與北條氏
婚以拒之勝賴從之信長既大捷謂甲斐不足患所患

御幸勝在加加月

信長大城安土
柴田修理亮
燕木左衛門尉

齋首奉贈

勝賴請和謙信

股証言原山
並在京江

下總守幸成

獨謙信乃大城安土移焉以備北道柴田勝家為其最
驍將因守越前居北莊八月謙信將兵入加賀攻松任
城城將燕木高秀乞援於信長信長將五萬人來陣御
幸塚勝家為先鋒謙信疾攻拔城斬高秀齋其首贈信
長曰頃攻本城相公遠來見援幸甚然城將已授首謹
此奉贈公當有一戰以示之明早將相見信長許諾而
乘夜退軍設八伏以候諸將請追擊謙信曰信長豈徒
歸者亦引還是歲勝賴使使請和謙信欲報織田氏謙
信許之徵其質子不肯會德川氏攻二股城將依田幸
成固守不下乃攻陷諏訪原遂攻小山勝賴曰彼謂我
不能復出乎乃募兵二萬援之敵解圍去十二月幸成

點生標記

日本書紀

卷之二十一

二二四

右衛門信蕃

今夕始得高枕
四年

及死乘取回以對天

推善刑部少輔

江馬當陸人時宣

前田又左衛門

川田豐前守

柿崎和泉守

給直末鷹馬

長九郎左衛門

五年

穴水在能登

筒井陽春坊

順慶久秀等送款

石動橋在越中

信長巧於走者

熊主標記

死德川氏復來攻幸成子信蕃拒之勝賴命棄城退若
村又陷信長手及其姑是月勝賴迎北條氏女成婚
宜退謂人曰今夕吾始得高枕矣四年春勝賴出兵遠
江與德川氏相持橫須賀勝賴欲戰昌宜諫曰長篠之
役多失老將獨有臣存今又欲殺之乎勝賴乃退城相
良而歸越後將士說謙信曰甲斐兵新敗可來也謙信
曰我與信玄數十戰不能取及其死海弱子來敗取之
何以對天下三月謙信入越中取蓮沼獲推名泰種殺
之令別將入飛彈夷江馬氏遂自入如賀攻小松織田
氏將前田利家來援以先鋒擊破之使川田長親守越
中柿崎景家守能登而還信長患謙信西向日夜謀所

以禦之柿崎景家使人市馬上國信長喜曰可以間也
乃給直十倍自書謝更索往鷹景家貧其直數給鷹後
有告其通款終被殺信長陰招能登入長重連加賀人
松任彦紹誘一向賊比向五年重連聚兵據穴水城小
松安宅大道山諸城並起應之當是時筒井順慶松永
久秀等據大和遙送款謙信請其西上又西約毛利氏
東西夾攻信長九月謙信自將攻穴水拔之斬重連遂
攻小松安宅信長遣柴田勝家前田利家等五將將兵
四萬八千來援而已亦潛來助之謙信攻拔三城進至
石動橋距織田氏軍十里而陣使伎約明曉會戰信長
復乘夜而逃謙信大笑曰信長巧於走者也使其猶在

四郎勝頼也

技術也

八州越後越中加

賀能登飛彈信濃

上野佐渡也

勿視謙信同皮履都

人士

脱刀挿扇單騎迎讓

當盡踢墮之水耳。遂進攻金澤。陷之。入越前。行攻織田
氏壘寨。盡驅其守兵。焚掠而進。烟塵蔽天。信長退保北
莊。遂退入長濱。謙信以天寒雪下。又聞久秀等已敗死。
欲班軍。乃遺書信長曰。信玄既死。公則委四郎於家康。
而自居安土。益備謙信也。公數與畿內敵樂戰。未觀北
人技術耳。請期明春三月十五日。聊舉八州之卒。西上
與公相見。公勿視謙信同皮履都人士。時京師人喜穿
皮履。故云。使使齎書。因贈越後布二千端。信長延見使
者。言曰。為吾返報。越後公。信長何敢與公角。公來將盡
脱刀劍。獨插扇於腰。單騎迎謁。先導以入都。公義人也。
信長所辛苦經營。必不見奪也。使者復命。謙信哂曰。信

云云

簡選也。閱歷也。謂

閱車徒之數也

謙信卒

直江山城守

諸大臣迎景勝

三郎景虎也

長奸雄。甘言以怠我耳。聞長篠之役。深以柵與銃。困甲
斐四郎。明年復必以此擬我。我豈隨其計哉。十月。歸越
後。間日傳檄。大發管內八國兵。期以三月五日。加賀以
西。兵沿道附從。京畿大震。信長使使告之。勝頼請捐前
故。修舊好。曰。謙信西上。我與家康拒之。北道願公直指
越後。事克。則其地唯公所取。勝頼不答。六年三月。北陸
諸國兵應檄。雲集。謙信自臨簡閱。申約束。將發。先發二
日。疾作。三日。遂卒。年四十九。卒後。信玄五年矣。直江兼
續本莊繁長等諸大臣相共謀曰。三郎非上杉氏胤胤
乃景勝。且親姪。宜立。立三郎。此條氏必因以并吞北陸。
吾輩皆為之臣僕。於是遣上杉義春。矯命。急迎景勝於

細作間謀也

天下大定矣
佐久間右衛門尉
佐佐內藏助

北莊丹後守景廣

景勝母

七年

上田來入內城分親信守諸門景虎在外城日夜相聞
弓銃交發織田氏細作在越後者走歸告信長信長大
喜撫掌曰天下大定矣乃令佐久間信盛入加賀前田
利家入能登佐佐成政入越中各自略取之景勝景虎
兵結不解以故不能拒景虎終敗走歸上杉憲政于北
川戶定城主北莊丹後聞變馳至說景勝曰兩郎君宜
各領四州共拒信長不則彼乘釁來侵先公所百戰而
取者一旦附之敵人豈不可惜景勝不聽北莊怒去助
景虎數破景勝兵因軍善光寺景勝母在上田肩輿來
入城召諸將士面勸之保謙信遺業將士感激力守七
年正月景勝夜潛兵襲景虎軍後大破之北莊脫走景

鮫尾在越中

氏政援景虎

飯山在信濃
齋藤下野守

景勝賂二嬖

景虎者勝賴妻之
兄也故云君舅
也

景虎等自殺

氏政與勝賴絕

嚮信吉置成于目
津以備上杉氏
移於沼津以備北
条氏也

次郎三郎信康

昌宣既死二嬖益橫

勝將菽田主馬識之追而刺之於是諸城多歸景勝景
虎走保鮫尾北條氏政聞之遣兵萬餘援景虎又請援
於武田氏勝賴出軍飯山景勝與戰不利齋藤朝信說
景勝以東上野昭勝賴先以金萬兩又厚賂其二嬖二
嬖交說勝賴曰景虎君之舅也雖然援之而克則北條
氏連屬東北將及於君矣是與得東上野金萬兩孰利
勝賴乃與景勝和合兵攻景虎景虎與憲政皆自殺相
摸兵引去氏政大怒與勝賴絕與織田氏德川氏約來
攻勝賴七月勝賴以其妹妻景勝撤貝津之戍移於沼
津數出兵上野及駿河時高坂昌宣既死莫復諫者而
二嬖益橫德川氏世子信康居岡崎其母關口氏有罪

景勝

德川氏

岡崎

日本外史

卷之十一

滅慶事覺

去美德川氏已去也

八年 岡部丹波守 橫田甚五郎

五年 九年 憲秀送款勝賴

廢居與甲斐醫人滅慶通使滅慶來送款約為內應勝賴許之事覺母子皆被殺九月勝賴次沼津氏政以兵四萬軍三島十月德川氏踰險入駿河縱火由井勝賴使別將當氏政而西二廢故遲其行至則去矣八年六月德川氏攻高天神十月城且陷城將岡部與行請援勝賴裨將橫田尹松使言曰城深在敵地君不宜來臣等分當守城死即得免走歸亦不難也將士皆贊其言勝賴曰坐不援無以藉口乃出徇上野攻膳城肉薄拔之九年二月與氏政相持于伊豆氏政將松田憲秀送款勝賴勝賴欲戰二廢止之三月高天神陷與行被獲尹松力戰脫歸勝賴欲賞之曰脫歸被賞在君為僭在

卒之從

僭差也猶濫也冒貪冒也物自故而前若月無所見也

尹松辭肯請和長梅

穴山伊豆守梅雪入道

岩殿在甲斐五妻在上野不屑從約於信長氏康也

新府

左馬助信豐 信良通款織田氏

木曾左馬頭 阿部加賀守 十年

臣為冒固辭不受勝賴疆土削二廢勸其請和信長小山田昌辰曰晚矣長其侮耳不聽還織田氏質子請和信長答書辭甚倨穴山信良又說勝賴曰先公威震四隣故所結不設城池然聞氏康信長通奸謙信則築岩殿久能吾妻三城以備之謙信不屑從約以故無事耳今隣國無復如謙信者安可不備勝賴然之乃城于並崎號曰新府信良欲娶勝賴女為婦武田信豐略二廢乃通信豐焉信良啣之終通款織田氏諸公族諸將亦多送款者木曾義昌為勝賴妹婿若其誅求陰降信長請道其兵有來告之者二廢斥為虛言已而事覺十年正月勝賴欲討義昌阿部忠高曰其地險狹不可輒

點注標記

日本外史

卷之十一

二十一

信忠自木曾入
三位中將信忠
瀧川左近將監
川尻肥前守
下條伊豆守
鳥居嶺瀧澤
信濃

小笠原掃部助
松尾在飛彈
桔梗原
城織部
真田安房守

信良降德川氏
依田左衛門佐
吾知守城而已

勝賴
高遠城
仁科五郎

執使截其鼻

往臣請元往說紆其討而君兵稍從其後可也二嬖沮

之遂命信豐將五千人冒雪赴討遇義昌鳥居嶺大敗

歸二月勝賴將兵二萬出陣諏訪遣諸將分守要害而

信長已遣長子信忠引兵十餘萬自木曾入瀧川一益

川尻鎮吉等為前部德川氏北條氏各人舉應之下條

信氏棄瀧澤走小笠原信嶺以松尾降信忠入至桔梗

原勝賴召諸將于諏訪聚議不決城昌茂進而請曰方

今之勢不日猶豫臣與尹松得假五千兵為先鋒

昌茂昌辰等以餘兵繼進敵不復設柵如長篠之役我

必克之勝賴問之二嬖曰少年者所言不可用也

阿部忠高曰臣遣間視敵敵深入客地離而不整可襲

也我夜令兵疾進挫其前部以破其膽二嬖不許已而

信良叛降德川氏駿河諸城皆解走獨田中守將依田

信蕃亦先是德川氏數攻信蕃不得志至是使人說

降之對曰吾知守城而已不知外事乃使信良以書諭

之三月信蕃出歸甲斐德川氏招以厚祿辭曰吾赴國

難未暇謀家訊訪軍潰在者僅三千勝賴乃走歸新府

信忠合兵圍高遠城將仁科信盛與小山田昌辰固守

信忠使辨士入說曰孤城抗大敵糞粉可待苟出降以

為將增其邑昌辰曰吾報先公正在今日若何為者敢

來誘我乎執使者截其耳鼻放還之信忠怒以信嶺為

導疾攻昌辰力戰數出狙擊信忠不克城遂陷與信盛

渡邊金次照
太郎信勝

無愧乎名
義國市勝賴

小山田左兵衛佐

君臣泣下

為見在甲斐

及渡邊集皆死之。於是敵兵四面來薄而新府城壁未
全勝賴欲徙避之。嫡子信勝慷慨曰。事已至此。何之而
兒乎。當焚旗與無楯。徐自裁而已。勝賴未答。小山田義
國欲誘執勝賴以市織田氏也。說曰。臣邑岩殿險可保。
真田昌幸曰。弗若。臣邑吾妻險有積粟。請以死奉。吾勝
賴乃令昌幸先歸。二嬖曰昌幸新義國故。去故就新。奈
何。勝賴遂徙岩殿。令義國先歸待已。於是焚殺諸叛臣。
質三百餘。各死節者質十人。領與金各百兩。散遣之。收
其重器以殘兵五百。赴岩殿。顧望二府。君臣相顧泣下。
至柏尾。待義國來迎。七日至。走入駒飼民家。即夜。義
國使人襲取其質。乃絕關拒勝賴。勝賴不知所出。乃走

大目山

土屋憲藏

秋山紀伊守

小宮山内膳

栢尾天目山田野

並在甲斐

君善其言以君

之明肯擯我

為不忠而我

君之難則非忠

是傷君之明也

吾知有今日矣

何顏見阿兄

阿兄氏政也

入天目山。兵屢四十人。土屋昌恒秋山光次率其馬阿
部忠高温井常陸擄擒從之。小宮山友信單騎來從。友
信初傲諫勝賴。請除二嬖。又與小山田將監者爭事。並
訴將監。結二嬖。勝賴遂廢錮友信。友信於是赴難。連
及於田野。就昌恒言曰。君嘗擯我而我赴君。難是傷君
之明也。然不赴。缺我義與缺我義寧傷君之明。且因問
調問何在。曰。昨逃矣。問勝資。曰。亦逃。問將監。曰。逃已十
日矣。友信曰。唉。吾知有今日矣。勝賴俛首而已。已而
山僧與村民謀導敵索勝賴。勝賴乃使其配北條氏奔
相摸對曰。妾何顏見阿兄乎。又使信勝問道奔陸奥。信
勝曰。大人宜奔耳。兒辱家嗣。義當死于此。勝賴曰。然則吾

照注標記

日本外史

卷之十一

三十一

黑江標記

辻彌兵衛

武田氏滅

右衛門大夫信就

左衛門大夫信光

孫六郎信綱

一條野分信龍

三郎信貞

左馬次信豐

降者皆誅

森勝賴祖武田

北陸訛言

犄角駐兵以制敵

也繼其後日將往

其前日角壁喜捕

信長過弒

明智日向守

武田氏故地大亂

誣訪安藝守

小笠原喜三郎

村上源吾

景勝入貝津

與汝共死顧汝未行擐甲禮當行禮而死乃請秋山光
 次為賓被信勝以無楯比禮畢敵兵奄至眾飢不能起
 勝賴以白布約髮拔刀親戰信勝以槍昌恒以弓翼之
 卻敵三次山縣氏卒辻某聚斂人自後山瞰射我兵皆
 斃昌恒矢盡且技刃敵叢槍擬之勝賴走救昌恒為敵
 刺喉及腋死年三十七信勝亦死年十六昌恒友信光
 次等皆死之武田氏滅織田氏入甲斐懸令曰氏族將
 士出降者免也勝賴祖叔父信就信光叔父信綱信龍
 身信貞從弟信豐及二孀義國等相率出降皆為所誅
 獨穴山信良得領甲斐一郡上野諸將非武田氏世臣
 者盡隸於瀧川一益信濃諸將隸於森長可與柴田勝

家等相為犄角以圖上杉氏時北陸訛言信長兵大敗
 於甲斐土寇羣起景勝遣兵助之與勝家等戰于越中
 勝家軍越後兵拒以塹柵其他諸將侮景勝出柵外戰
 輒見擊斃瀧川一益聞之遣兵入越後五月景勝迎擊
 一益兵三國嶺大破之自將入越中拔魚津轉入信濃
 與森長可戰勝家等復取魚津五月穴山信良與德川
 氏俱入京師六月信長為其將明智光秀所弒信良走
 歸途遇盜被殺一益長可勝家聞變皆西走而武田氏
 故地大亂誣訪賴忠小笠原貞慶村上國清皆舉兵欲
 復先業景勝自將兵七千助之七月景勝入貝津北條
 氏德川氏各以數萬人來爭真田昌幸高坂源吾初屬

續莊標記

卷之十一

三十一

政景者景勝也
智死於叛

柴田誤當作新發

田因幡治長小田

原後謙信者

新發田在越後

十二年

景勝已而通北條氏曰臣為內應景勝可獲景勝覺之
執誅源吾北條氏不知以昌幸為前導濟筑摩川以待
源吾報景勝送源吾首請戰北條氏懼引去己而德川
氏盡取甲斐信濃景勝定河中四郡而歸景勝幼有武
幹心誓報謙信恩以償政景罪謙信嘗欲誅深澤九鬼
者景勝時年十四年斬二人謙信賞賜政景舊邑數從
軍有功謙信卒而三年克景虎將士盡伏獨柴田因幡
者據新發田不下景勝常有所內顧以故不能專營外
事織田氏將筑前守羽柴秀吉誅明智光秀畧定京畿
與柴田勝家戰勝而殺之取加賀能登十二年遣使來
通好曰吾欲攻佐佐成政以取越中願子勿救景勝曰

越後男子用武如此

天正十三年

須賀修理亮

景勝見秀吉

吾素與成政仇而越中本吾地吾欲先取之耳乃自搦
兵入越中十月攻宮崎城一鼓拔之謂使者曰越後男
子用武如此返語筑前守吾於越中欲取即取而不取
者以讓為幸十三年四月秀吉攻降成政取越中五月
秀吉獨率石田三成等三十人來入越後自稱使者至
薄氷城見城將須賀告以實欲面見景勝計事須賀以
兵守之而馳告景勝請執殺之景勝不許曰彼身司天
下權而踰險入敵國者蓋恃前約以吾必不食言也殺
之不義即日與直江兼續等六十餘人見秀吉秀吉屏
入與語獨兼續與三成得侍已而別去七月上田城主
真田昌幸畔德川氏復屬景勝送質乞援景勝遣須田

須田相模守
本莊越前守

十四年
景勝入朝

十五年
佐渡及莊內也

無續參謀
藤田能登守

泉澤河內守
安田筑前守

大和守實綱
十八年

文祿元年
名古屋在肥前

二年
景勝入朝鮮

歲入幾何

三年
慶長二年

四年
三成勸學兵

五年
景勝五大老之一

前田大納言利家
毛利中納言輝元

浮田中納言秀家

堀左衛門督

慶長二年

三年

四年

五年

六年

七年

八年

九年

其本莊某等將信濃兵六千赴援兵少利景勝欲大舉
繼之德川氏兵引去十二月秀吉又使使厚贈越後君
臣促其入朝十四年五月景勝入朝秀吉供帳路次為
奏敘正四位上仕參議七月歸國是歲陷新發田盡定
越後十五年定佐渡莊內十七年景勝又入京師進從
三位遷中納言直江兼續為四位侍從藤田泉澤安田
三臣皆敘四位兼續自父實綱常參謀議為仇人刺死
無子謙信傳子越士榑與六為嗣是為兼續多文武材
能事景勝尤見寵任十八年秀吉東伐北條氏景勝與
前田利家自東山道進下數十城北條氏滅又與利家
徇陸奧出羽文祿元年從秀吉伐朝鮮陣那古那二年

景勝將兵入朝鮮築金山城而歸是時上杉氏所領歲
入可三百萬石秀吉心畏惡景勝之能又度謙信久訓
其國人皆戴景勝欲徙其封嘗從容問之曰卿國歲
入幾何景勝恐被削不以實對曰七八十萬石耳秀吉
佯驚曰何少也因徙之會津食百二十萬石賜兼續以
米澤地三十萬石賜越後于堀秀治景勝大悔之是歲
慶長二年也三年秀吉有疾嗣子秀賴猶幼乃以景勝
與德川前田毛利浮田氏並稱五大老與為盟約秀吉
薨德川公威權獨熾四年石田三成與直江兼續謀勸
景勝舉兵曰羣牧共願推公為諸將載書示之因密定
議七月與佐竹義宣皆就國城香指原修壘寨時糧餉

景勝入朝鮮

景勝入朝鮮

卷之十一

三十三

黑江權詞

佐竹常陸守

五年

藤原康登守

數德川氏十罪

伊達左京大夫

最上出羽守

伊達上野守

片倉小十郎備

守

長沼在陸奥

結城守言秀康

誘陸奥出羽土兵齊起。又使人招越後遺民。遺民競起。應之。堀氏不能制。五年正月。使藤田信吉賀正於大坂。德川公厚賜之。信吉歸。諫景勝。兼續欲殺之。三月。信吉挈家奔歸德川氏。德川氏使伊奈圖書來諭。景勝西上。景勝不聽。數德川氏十罪。德川公終決意東伐。令前田佐竹伊達最上氏四面夾擊。伊達氏國會津東境。先聚而至。其將伊達成實片倉景綱將兵來侵。景勝遣兵擊卻之。七月。德川公統將師百餘人至小山。景勝軍長沼分兵守險以待之。石田三成乃矯秀賴命。與毛利浮田島津小西諸將俱舉兵至美濃。八月。德川公使庶長子秀康以萬人守宇都宮。而自引兵西上直江。兼

先人用軍未嘗東

景勝動敵情

山形在出羽

志村伊豆守
上山亦在出羽

聞變而退怯也

續請悉兵。歸之。景勝弗聽。會秀康來請戰。景勝答曰。先人用軍未嘗東。且公年少。非我敵。吾待內府還決戰耳。糧仗如缺。當相給焉。乃收歸會津。德川公之西也。命諸將曰。景勝勁敵也。慎勿與爭鋒。是以四隣環守。不敢來犯。九月。景勝以兵四萬附兼續。令攻最上義光于山形。義光設二十五砦待之。請援於伊達政宗。政宗發兵二萬赴之。兼續拔二十一砦。進攻長谷城。起樓櫓。鑿地道。晝夜攻擊。城將志村高治善拒。景勝又遣中山式部攻上山城。不利。義光政宗合兵來援。兼續軍中有傳呼曰。上國軍敗矣。已而使者至。自會津傳三成敗聞。命班師。兼續曰。聞變而退怯也。乃使人入

日本外史

卷之十一

三十四

長尾景隆

本莊越前守

六年

大炊助長義

福島康川松川白

石並任陸奥

景勝謝罪

本日德川氏諭西

上吾豈可再負乎

城告故。日鼓衆齊登陷其外城而還。義光政宗與高
治尾擊之。兼續返戰二十餘次。而至米澤。政宗進攻福
島。本莊繫長守城擊卻之。六年二月。政宗又來侵繫長
又擊卻之。政宗轉濟達隈河。攻衆川城。將須田大炊設
四伏而與戰。破之。四月。政宗留其備須田而還。攻本莊。
本莊出拒松川。侮敵不備。政宗乘曉而濟。擊敗之本莊。
走入福島。須田聞之。濟達隈河。破其兵。遂襲政宗軍後。
與本莊夾擊。走之。景勝乃自將而出。政宗驚舍其軍。獨
與十餘騎間道走白石。德川公既克石田氏。天下歸之。
景勝因為康謝罪。德川公使人來促其西。上景勝即治
行將士皆危而止之。景勝曰。吾豈可再負乎。七月。至伏

慶長

慶長十九年

景勝先鋒

杉原親憲

尚水干衣於鎧表

鶴野今福大和川

並在摂津

鐵孫左衛門尉

見謁見。八月國除。獨食米澤三十萬石。宥兼續罪。賜
五萬石。慶長十九年十一月。大坂兵起。德川公率諸將
攻之。景勝與佐竹義宣為先鋒。二十四日至大坂。景勝
將杉原常陸。尚水干衣於鎧表。衆指而異之。曰。彼越後
猪將也。是其軍禮乎。杉原聞笑曰。吾鎧太敞惡。故尚此
耳。景勝陣鶴野。義宣陣今福。間日並進。破敵柵。景勝命
植柵設塹于大和河南。令隊將鐵某將銃手五百守之。
將士竊言曰。此非戰場。不知何用。日午城兵大出。義宣
兵不利。銃手齊發。敵兵乃卻。已而城兵七隊出。鶴野我
先鋒。須田大炊與戰。敗走。杉原常陸與安田上總長尾
權四郎進擊。斬其三將。德川公聞鶴野戰急。令堀尾氏

然生票已

日本外史

卷之十一

三十五

雖有教命不能退

景勝武事豈得誰議

島津玄蕃

今日之戰見戲耳

丹羽氏來代景勝景勝以槍手三百自環為陣憑椅不動使
者十餘輩來傳教旨皆不得入景勝厲聲曰吾在戰場
雖有教命不能退一步麾兵益進遂破城兵城兵入柵
景勝銃手又驅柵內兵入城不使復出須田愧敗與五
騎馳入敵中人得一首級而還德川公軍監小栗又市
具狀以聞退語同僚曰今日戰既解猶有宜進擊之機
吾言之景勝辭以日暮可憾德川公聞之叱曰景勝武
事若曾得誰議之次日巡視諸營至上杉氏親慰勞之
遂賜功狀於杉原長尾安田須田鐵島津等杉原伏謝
曰臣等何力之有焉先寡君家範猶存臣等奉以周旋
焉耳退謂人曰吾從先公數與武田氏戰若今日之戰

元和

元和元年

特命守京

幸村戰守可觀

九年

景勝卒

彈正大河四位少

將定勝

播磨守侍從綱勝

吉良上野介

彈正大弼侍從綱

憲

彌五郎義春

義春善辭

乃兒戲耳何足載功狀乎元和元年五月再攻大坂景
勝以特命留守京師陣八幡凡兩役所用軍監選練兵
事者傳命諸營多甲斐舊臣而真田昌幸子幸村在城
中戰守最可觀世以為出武田氏遺法也九年三月景
勝病卒年六十九子定勝孫綱勝相繼襲官秩綱勝天
以外甥吉良義英子綱憲為嗣削十五萬石上杉義春
本畠山氏為謙信子養後以為上條城主承故上杉定
實後佐景勝擊景虎最有功德川公命復畠山氏削髮
號入庵老於京市大坂冬役召之二條城問上杉氏行
軍法諸侯伯皆侍焉義春為人短小而善辭陳已嘗從
謙信所聞見音辭如流公稱善諸將皆織田豐臣以來

字佐美氏部定興

兵左衛門勝興

綜綱也最考事得實也

上杉氏仗信義

假託託名一家之書而潤色也

老兵豪傑而母敢出聲者後病眼盲使人讀近代史乘聽之至武田上杉氏事往往指其謬偽云字佐美是行之孤定興數潛從軍欲立功自贖景勝以其父故不許也流寓諸國及關原事作赴難會津及從封終隱越後終身其子勝興仕紀伊亦於越後事跡有所綜覈初武田上杉二家並務耕戰以名法治國政貴嚴刻而上杉氏作事率仗信義是其所以獨存至今也然世言兵法並稱二家云
外史氏曰世傳二家兵書有出後人假託者不可盡信特言兵於我邦期于二公者不可不知其由也夫勇悍趨捷重恥輕死我國俗所自有我先王又養之以恩結

杯擲難也

劉當作劉音琢研也樸音璞木素也書云既勤樸斲銀刻也強木強之強

用捨先王用此兵後王捨之也

東伍云八所謂部制之兵也

之以信所以撫摩鍊治之經數百十年闔國之民親其上死其長如手足之托頭目以能震懾四隣雖魏唐之強大不能加者恃此俗也及至通唐氏乃舍此學彼劉樸為文鏗強為弱平時奔競有急遁逃幾乎舉朝皆婦人矣而先王遺民勇而輕死者皆為將門所收以此奪王權營私利無所為而不成承以建武之事輒皆為然故先王所以自衛後王所以自累均此兵也顧用捨何如耳降至戰國此兵各為羣雄所分領日淬月厲愈用愈勁而其撫摩鍊治教之而後戰者莫武田上杉過焉故我邦兵之精極於此時而二家又精之精者矣且源平以還其兵皆散而自戰將勇卒銳者勝非必有東伍

點生標也

日本外史

卷之十一

三十七

馬政騎戰之法也
恤憂也
侯旬猶近畿也
較與較通略也
率大擊也
徒但也

以三家之兵連年
結不解不暇計其
他為幸也

結陣坐作進退之法有之始於二家二家兵法傳為我
邦極則者由此焉爾然源氏足利氏每自東國起其兵
習騎戰而足利氏居京畿不恤馬政織田豐臣德川並
起侯旬少騎多步即如二家雖較多騎亦以其國險不
便騎騎率徒取致遠至戰概舍馬步鬪故騎戰遂廢又
用火器與長槍以為軍鋒而弓矢之用稍衰是又我邦
兵體變遷不可不知也此時兵農雖別徃徃收漁獵者
為弓銃手收盜賊為間諜以補隊伍充作候二家皆是
二家之陣大約弓銃手居前長槍步卒次之騎士次之
牙旗鼓螺居中左右夾之輜重居後游兵居外每戰交
發弓銃長槍從之士下馬以進或自卒傍出或自中跳

孫武齊人也仕吳
吳起魏人也仕魯
又仕魏及楚武與
起真世凡百年
趙魏於戰國石強

素猶豫也本也

盪而出戰酣或以麾下乘之雖變化無準概以此為常
一時並同此法而羣雄環視獨畏二家幸其噬搏不解
不敢觸犯云夫孫武吳起不同世而生饒使同世生借
人之兵以施已之法不能大展其力確鬪決勝敗也今
二公挾孫吳之能擅趙魏之甲而比肩接踵於一時可
謂希世之遇矣後之言兵者觀二公相與之迹識其形
勢機權之大然後參之其書辨別真偽其法可得而詳
論余是以合欽二家焉昔者吾父嘗行過甲斐甲斐民
飲食必稱館君館君信玄也以信玄之悖逆而能抗強
敵數十年而不相下豈非以其教民有素哉謙信之事
多世所不傳余并考畠山氏宇佐美氏說又與米澤人

